



17

4

U. g. 17, 5



Q. D. B. V.

DE

DIFFERENTIIS  
IVRIS CIVILIS ET  
CANONICI

DISSERTATIO

Habita olim in ACADEMIA JULIA,  
Nunc in usum Studiosæ LL. Juventutis  
denuo edita

CURA

HENRICI HAHNII IC<sup>TI</sup>  
ET PRIMARI IN ILLUSTRIS JU-  
LIA ANTECESSORIS.



HELMESTADII,  
Typis & Sumptibus JOHANNIS HEITMÜLLERI

Anno clc l<sup>o</sup> c LXI,





Habuit hanc Disputationem Præside Dn. D.  
**JOACHIMO WECCIO**, Chri-  
stophorus Wegnerus anno 1635.

737





DISSERTATIONIS  
DE  
DIFFERENTIIS JURIS CIVI-  
LIS ET CANONICI,

THESIS I.

**U**Triusque juris Civilis<sup>a</sup> & Canonici<sup>b</sup> dif-  
ferentias<sup>c</sup> juxta methodum in Digestis  
observatam<sup>d</sup> tractabimus, ubi compila-  
tores<sup>e</sup> universum jus in partem communem  
& propriam dispeſcunt. *f* In communi propo-  
nuntur communia juris, ut sunt illa, quæ ad  
justitiæ<sup>g</sup> & juris in genere<sup>h</sup> enodationem per-  
tinent.

<sup>a</sup> Romani, quod *νατ' ἐξ ὀρν* Civile dicitur ob urbis  
Romæ excellentiam §. 2. *Inst. de l. N. G. & C.* vocaturque a-  
liàs Justinianicum, itemque Imperatorium ab autore Imp.  
Justiniano *nov. Leon. 1.* Hujus juris Dd. appellantur Legistæ,  
suntque in eo perdiscendo studiosi permulti, qui nihil se  
consecuturos putant, nisi insenuerint, totosque 7. annos  
& interdum plures consumpserint, *Lancell. de compar. iur.*  
*utr.*

<sup>b</sup> dicti vel per *κανονιστικὴν* & à potiore sui parte, à ca-  
nonibus scilicet seu regulis Ecclesiasticis *c. 2. dist. 3.* unde  
& regulare appellatur, deductum est enim ex patrum regu-  
lis,



lis, ad rectam vivendi normam institutis, de quibus loquitur *nov. 83.* quod leges non dedignantur sequi sacros canones: vel à toto, quia Pontifices suas constitutiones omnes canonibus exæquarunt, quomodo *d. nov. 83.* Honorius II. *inc. 1. de iuram. calumn.* & Innocentius III. *inc. fin. de secund. nupt.* explicant. Nuncupatur aliàs Pontificium ab autoribus Pontificibus. Hujus juris Dd. dicuntur Canonistæ suntque in eo perdiscendo studiosi rari & illi qui sunt, brevissimi temporis spatio eidem incumbunt tanquam canes de Nilo bibentes. Lancel. *d. loc.* ubi in fine addit, quod aliquis quidem possit esse Legista, quamvis non sit Canonista, sed nullus possit esse Canonista, nisi simul quoque sit Legista.

c Scitu Ictis necessarias præsertim in rebus spiritualibus & ejusmodi causis, quæ periculum animæ concernunt; In his enim quoties pugnant leges cum canonibus, hi potius in judicijs tam civilibus quam Ecclesiasticis sequendi erunt, jus namque Canonicum animæ salutem respicit: aliud autem dicendum erit, quando discrepantia inter utrumque jus occurrit in ijs causis, quæ non vergunt in dispendium salutis æternæ nec animam concernunt, quia tum jus civile in terris imperij, jus Canonicum in terris Ecclesiæ observabitur, iudexque secularis sequetur suum jus, & ecclesiasticus quoque suum. Et hoc quidem attendetur si manifesta sit juris dissonantia. Quoties autem alterutro jure quid expressum est, de quo controversitur in altero, toties ea definitio expressa in utroque foro valet, quia alterum jus per alterum suppletur *c. 1. & 2. de oper. nov. nunc. Wesemb. cons. 1 n. 20. Myns. cent. 1. obs. 41.* Cæterum axioma observandum est, quod ab omnibus Canonistis & Feudistis celebrari ait Rittershus. 2. *feud. 9. q. 29.* semper jus commune observandum esse, nisi jure Can. & Feudali reperiantur singularia quædam introducta *c. 1. vers. strenuus.*

2. F. 1.



2. *P. 1.* ideoque in dubio non facile utraque jura ut pugnantia inter se sunt committenda.

*d* à nobis in ipsis thesibus proponendam subnexis differentiis in exegeſi. Compoſitæ autem ſunt pandectæ juxta formam ediſti perpetui, quod Julianus fecit & in ejus compilatione ordinem proceſſus judiciarii obſervavit, dividunturque in 7. partes, quarum ſingulæ ſuos libros, libri ritulos, tituli leges &c. habent. Juris Can. partes ſunt quatuor. Prima dicitur decretum, habetque alias tres partes. Prima conſtat 101. diſtinctionibus, quæ omnes pertinent ad clericos & aliqualem habent methodum. Secunda continet cauſas 36. inter quas trigefima tertia ſeptem complectitur diſtinctiones de poenitentia, in quibus nullus obſervatur ordo, ſunt enim miſcellaneæ quæſtiones & reſponſiones ad eaſdem. Tertia pars agit de confeſſatione, cujus quinque ſunt diſtinctiones, ſuâ conſtantes methodo. Secunda pars juris Canonici complectitur decretalium libros ſeptem, inter quos duo poſteriores, ſinguli, alios libros quinque habent. Tertiam partem conſtituunt Clementinarum libri quinque. Quartam extravagantes. Methodum in his tribus poſterioribus partibus obſervatam oſtendit verſiculus Hoſtiens.

*Index, iudicium, clerus, ſponſalia, crimen.*

*e* Tribonianus, Dorotheus, Theophilus, qui univerſum ius, quod in D. continetur auctoritate & mandato Juſtiniani Imp. ex veterum Iſtorum & Impp. ſcriptis collegerunt, utiliaque & neceſſaria excerpterunt amputatis fabulis antiquis. §. 3. *præm. Inſtit.* Hoc ius poſtquam in deſuetudinē abiſſet, tempore Lotharii Saxonis Imp. priori ſplendori reſtitutum eſt, habuitque interpretes excellentes, Irnerium, Azonem, Bartolum, Baldum, aliosque quamplurimos, ſed qui plerumque intra fortunam privatam conſi-



terunt. Juris Can. plures sunt compilatores, quam partes. Decretum collegit monachus quidam Bononiensis, nomine Gratianus ex patrum scriptis, consiliorum decretis, Pontificum rescriptis & Impp. constitutionibus, seculo post Christum natum duodecimo. Decretalium quinque librorum priorum compilator fuit Raymundus capellanus & poenitentiarius Gregorii 9. qui constitutiones Pontificum in diversa sparsas volumina, in unum corpus redigit, idem tamen ante eum præstiterunt Bernhardus præpositus, Gilbertus & alii. Sextum decretalium librum iussu Bonifacii 8. concinnarunt Guilielmus Archiepiscopus Ebre-dunensis, Berengarius Episcopus Biterensis & Magister Ricardus de Senis, Rom. Ecclesiæ Vice cancellarius. Septimus liber decretalium nuperrimè accessit, quem compilavit Petrus Matthæi, Ictus Lugdunensis, cumque inscripserit Cardinali Caetano, sed autoritate Pontificis adhuc dum destituitur. Clementinas suas ipse Clemens 5. collegit, sed morte præventus eas non divulgavit, quod tamen fecit successor eius Joannes 22. qui eas sua autoritate donavit, simulque edidit constitutiones suas & aliorum Pontificum. Illæ dicuntur extravagantes Johannis 22. Hæ extravagantes communes, propterea, quod vagantes essent constitutiones, & non continerentur in sex libris decretalium, quia demum post compilationem sexti libri Decretalium evulgatæ fuerunt. Gregor. Tholos. *part. iur. Can. lib. 1. tit. 1. n. 22.* Habet hoc ius quoque excellentes interpretes, sed qui intra privatam fortunam non constiterunt, promoti enim sunt ad summos honores, sicut id officiorum nomina, quibus insigniri consueverunt, præ se ferunt, ut, Hostiensis Cardinalis, Abbas, Archidiaconus, Præpositus &c.

f Eandem generalem methodum observarunt quoque



que juris Can. interpretes, præterquam quod hi paulò altius incipiant. Dividunt enim jus in divinum & humanum; ab illo incipiunt, quia à divinis ut dignioribus meritò incipiendum, ut ait Alciat. *in tit. C. de summ. trinit. & fundamentum prius ponendum, antequam ædificium erigatur.* Hostiens. *ad tit. ex de constit.* quanquam Justin. in C. hoc non neglexerit, nam ut ipse dicit *in nov. 6. pr.* benè universæ geruntur & competenter, si principium fiat decens & amabile Deo. Addendum hîc, stylum in jure Civili esse elegantiorē, quam in jure Can. desumptæ enim sunt pleræque decretales ex glossis juris Civilis, quarum locutio nota est, Cujac. *ad c. consultationem 15. de sent. & rejudic.* Sed Lancell. *in compar. iur. utr.* ait, se non horrescere linguam barbaram, modo mens non sit barbara, ubi simul vehementer invehitur in jus Civile ejusque Dd.

g Universalis, quæ est finis juris Civilis, quia jus Civile intendit hominem servare, quatenus est animal politicum, dirigitque ejus actiones ad beatè vivendum in rep. Juris autem Canonici finis est, non solum justè sed & piè vivere, quia civium actiones ad finem æternæ beatitudinis dirigit & conservare studet hominem, quatenus est Christianus, & sic amplectitur finem juris Civilis, sed ita, ut interim salutis æternæ dispendium non patiatur adferri *c. cum contingat. 28. de iureiur. c. fin. de prescript.* Lancellor. *de compar. utr. iur.* leges namque non tantum curant de periculo animæ, quantum canones. *c. sape de restit. spoliat.* Hostiens. *ad tit. de postul. in fin. ferè.* Ex hac finium collatione nova oritur differentia, cum enim juris civilis finis merè sit practicus, ipsum jus Civile quoque tale erit, & simpliciter subjiçietur Ethicæ. Jus autem Canonicum non est merè practicum sed etiam speculativum, quia multa à Theologis mutuatur, subjiçieturque Metaphysicæ, eritque discipli-



disciplina mixta. Nam ut ait Lancell. *d. loc.* Canonista quasi alter Moses nunc ascendit in montem cum Theologo, & ibi Domini & viventis Dei gloriam contemplatur, nunc cum Jurista descendit in castra humana, tractans necessitatibus populi provideret. *arg. c. nisi 10. circ. fin. de renunc.* Unde Hostiens. *in proem. summ. n. 12. in fin.* comparat Canonistam mulo, qui partem capiat ab equo, id est Theologo, partem ab asino, id est Legista.

**Origo.** *b* Ubi considerentur origo, objectum & divisio juris. Origo juris Civilis est ex principiis naturalibus gentium & civilibus. *§. fin. Inst. de inst. & iur.* Juris Can. origo in temporalibus est eadem, quia sacrorum statuta canonum principum constitutionibus adjuvantur *c. 1. de nov. oper. nunc.* sæpeque Ecclesia iis utitur contra hæreticos, tyrannos, atque contra pravos quosque defenditur *c. 1. dist. 10.* In spiritualibus autem originem suam ducit ex autoritatibus veteris & novi testamenti *c. qualiter 24. de accus. conciliis* tam universalibus, quam provincialibus, sententiis patrum *c. canones. dist. 15.* & decretis Pontificum, quæ sic accipiendæ sunt, tanquam ipsius divi Petri voce firmata essent *c. 2. dist.*

**Obiectum.** *19.* Objectum juris Civilis sunt negotia humana, eaque ut plurimum privata. Juris autem Can. objectum sunt res tam divinæ, agitur enim de sacramentis & de omnibus quæ ad finem vitæ æternæ tendunt. Lancell. *de compar. iur. utr. vers. materia,* quam humanæ, eaque publicæ & privatæ, Et de privatis quidem constat. De publicis autem hæc inter alia præcipua sunt, quod Imp. præstet fidelitatis iuramentum Papæ, à quo coronam, ab altari verò gladium recipiat. *clém. un. de iure iur.* est enim Romanus Pontifex à domino constitutus super gentes & regna *c. super. extravag. comm. de consuet.* & imperium Rom. ab Apostolica sede in personam magnifici Caroli à Græcis est translatum in Germanos *c. venet.*



*c. venerabilem. 24. de elect.* quod Imp. pendeat ex Papæ iudicio, non autem Papa ex Imp. & propterea Papa potest Imp. & reges deponere itemque excommunicare *c. duo sunt. 10. dist. 96.* quemadmodum Papa Zacharias regem Francorum deposuit in cuius locum substituit Pipinum Caroli Magni patrem *c. alius 15. q. 6.* quod Papa vacante imperio Imperatori succedat *clerm. pastoralis. in fin. de sent. & re iudic.* quod solus Papa possit convocare concilium *c. 1. & 3. dist. 17.* hocq; ei specialiter sit indultum *c. ideo 2. q. 6.* quod ius habeat de omnibus tam publicis quam privatis iudicandi, nec cuiquam liceat iudicare de eius iudicio *c. cuncta 9. q. 3.* neque ullus redarguere præsumat, etiam si innumera- biles populos catervatim secum duceret in gehennam *c. si papa dist. 40.* ob hanc potestatem appellatur Deus, qui ab hominibus iudicari nequit *in c. satis evidenter, dist. 96. c. sacerdotibus. 11. q. 1.* cuius sponsa est Ecclesia *c. quondam. de immun. Eccles.* unde comparatio inter episcopalem & regi- am potestatem longè inferior est, quam plumbi ad metal- lum auri, *c. 10. dist. 96. gl. in c. 1. verb. celestis. dist. 22.* & se- pries millies, sexcenties, quadragies quater, insuperq; ma- jor est sacerdotalis dignitas regali, quia toties continetur magnitudo lunæ in magnitudine solis. Hostiens. *ad tit. qui fil. sint legit. ibi qualiter & à quo.* Papa autem gerit vicem so- lis, reges lunæ *c. solita. 6. de maior. & obed.* Divisio juris Ci- vilis est in publicum & privatum *l. 1. §. 2. de I. & I.* Illud in sacris, in sacerdotibus & magistratibus consistit. Hoc col- lectum est ex præceptis naturalibus, gentium & civilibus. Præcepta juris Civilis pertinent ad ius scriptum & non scri- ptum *l. 6. §. 1. de I. & I.* Scripti juris species sunt sex §. 3. *Inst. de I. N. G. & C.* Jus non scriptum appellatur consuetudo §. 9. *Inst. eod.* In iure scripto semper nova sanctio & nova con- suetudo corrigit priorem & antiquiorem *l. 32. §. 6. C. de ap- pell.*

B

pell.



*pell. nov. Leon. 30. quā tam laici quam clerici obligantur l. 1. de ll. auth. clericus C. de Episc. & cleric. quod tamen quoad clericos per novam constitutionem Friderici Imp. in auth. seq. correctum est. Jure Can. jus dividitur in divinum & humanum c. 1. dist. 1. Humanum in naturale, gentium, civile, militare, publicum, Romanum d. dist. 1. per tot. Sed publici alia est acceptio in c. dua 19. q. 2. nam ibi publica lex dicitur, quæ à sanctis patribus, scriptis est confirmata, ut est lex canonum: privata appellatur, quæ instinctu Sancti spiritus in corde describitur, & propterea dignior est quam publica. Quoties autem canones sibi contradicunt, toties non novis, sed antiquioribus standum est c. hoc ipsum. 33. q. 2. sed illud glossa in c. domino sancto. dist. 50. restringit ad constitutiones particulares & locales, nam quando sunt generales, semper posterior præjudicat c. 1. de cognat. spirit. Legibus autem juris Civilis clerici non obligantur. c. continua. 11. q. 1.*

## II.

In propriā proponuntur media, *a* quæ in duobus consistunt: in juris cognitione & ejus obtinendi ratione. Prius consistit in personis *b* & rebus. *c* Posterius in actionibus seu judiciis.

*a* ad finem jurisprudentiæ, scilicet justitiam ducen-  
 tia; & sic jus personarum, rerum & actionum non erit ob-  
 jectum juris, quia eadem res sui ipsius obiectum esse ne-  
 quit, quod contra recentiores Interpp. qui secuti notas Cri-  
 spini in §. fin. Inst. de I. N. G. & C. tria faciunt iuris obiecta,  
 me docuit Dn. Præcept. Heint. Schmerheim in prælect. &  
 disput. ad VVes.

*b* Sui



*b* Sui & alieni iuris, hisque vel liberis vel servis, *t. tit. Prima*  
*de stat. hom. & duob. seqq.* Servi fiunt captivitate & vendi- *persona;*  
 tione sui ipsius, nascuntur iure Civili tantum ex ancillis *rum di-*  
*Inst. de ingen.* Jure Can. libertas & servitus alia est spiritua- *visio in*  
 lis, alia corporalis. Spiritualis libertas illa dicitur, ubi spi- *liberos*  
 ritus Dei est. *c. 2. in fin. 19. q. 2.* Corporalis libertatis eadem *& servos*  
 est definitio, quæ de iure Civili. Servitus Spiritualis ite-  
 rum est duplex, bona & mala. Mala dicitur esse peccati, à  
 qua servitute nos liberavit redemptor. *c. 68. cum redemptor.*  
*12. q. 2.* Bona, quam reges & principes Deo serviunt benè  
 regendo subditos *c. 42. si ecclesia. in fin. 23. q. 4.* In corporali  
 servitute sunt servi facti & nati non tantum ex ancillis, ve-  
 rum etiam ex ingenua, quæ rem habuit cum ministro ec-  
 clesiæ *c. cum multa. 15. q. 8.* Durat hæc servitus tam diu do-  
 nec servi manumittantur, post manumissionem dicuntur  
 manumittentis liberti, & quæcunque acquirunt, sibi ac-  
 quirunt de iure Civili, liberamque de iis habent disponen-  
 di facultatem §. 3. *Inst. de libert.* Jure Can. liberti Ecclesiæ,  
 quæ acquirunt, non sibi, sed Ecclesiæ manumittenti acqui-  
 runt. *c. de famulis. 3. de serv. non ordin.* & proinde de iis, non  
 habent liberam disponendi facultatem. Quanquam au-  
 tem servi manumissi sint, tamen ob ingratitude in ser-  
 vitutem possunt revocari *tot. tit. C. de libert. & eor. liber.*  
 Jure Civili ingrati non sunt, si arte sua contra voluntatem  
 patroni utantur *l. fin. de obseq. par. & parr.* Jure Can. liberti  
 Ecclesiæ id facientes ingrati sunt. *c. eo libentius. 6. de serv.*  
*non ordin.* Servis comparantur monachi, qui monasteri-  
 um ingressi de iure Civili nihil retinere possunt. *auth. in-*  
*gressi. C. de SS. Eccles.* Jure Can. aliquid retinere possunt &  
 id concedere loco præbendæ *c. ruanos. 34. de simon.* Jure Ci-  
 vili monachi eligentes abbatem, debent iurare se scire i-  
 psum esse fide rectum, vitæ castum, gubernatione dignum



Natura-  
les.

Legiti-  
mati.

Adopti-  
vi.

&c. nov. 123. c. 34. quod iure Can. non observatur c. quid  
propter. 42. de elect. Liberi homines alieno iuri subiecti  
sunt filii fam. Filiorum alii sunt naturales, alii legitimi. Na-  
turales ut & spurii, item alias illegitimè nati iure Civili ab  
officiis & honoribus publicis non excluduntur, quia deli-  
ctum patris filio nocere non debet. l. 2. §. nullum 7. l. spurij.  
6. l. generaliter. 3. §. spurios. 2. de decur. l. 22. C. de pæn. Iure  
Can. excluduntur c. infamibus. 87. de R. l. quia eiusmodi sunt  
infames infamia facti glos. d. c. Possunt autem naturales le-  
gitimari, sed ad legitimatorem requiritur ipsorum con-  
sensus de iure Civili nov. 89 c. 11. de iure Can. non requiri-  
tur. Dn. Præcept. Bachov. ad Treut. vol. 1. disp. 2. th. 6. lit. C.  
Modi legitimatorem tres sunt: subsequens matrimonium,  
rescriptum principis, oblatio curiæ §. fin. Inst. de nupt. qui-  
bus addidit Iustin. quattuor in auth. item sine legitimis. C. de  
natur. lib. si naturales in testamento à patre facto appellati  
fuerint filii & designati successores hæreditatis. Iure Can.  
duo tantum sunt legitimandi modi: subsequens matrimo-  
nium c. 1. qui fil. sint legit. & rescriptum principis, vel Papæ  
c. per venerabilem. 13. eod. In locum oblationis curiæ succes-  
sit ingressus in monasterium, illegitimè enim natus si in-  
grediatur monasterium promoveri potest ad ordines sine  
dispensatione, c. 1. de fil. presbyt. non autem ad honores Ec-  
clesiasticos c. fin. eod. Iure Civili legitimati in emphyteusi  
Ecclesiastica & in feudis succedere nequeunt. Anton. disp.  
feud. 5. rh. 6. Iure Can. possunt, Dn. Præcept. Bachov. d. th.  
6. lit. f & hoc in hodierno iudiciorum usu quoad legitima-  
tos per subsequens matrimonium observari testantur Ro-  
senth de feud. c. 7. q. 18. n. 11. Rittershus. de feud. c. 13. q. 3.  
Vult. de feud. c. 9. n. 94. Obr. 2. Feud. 15. n. 18. & seqq. Ad-  
optivi liberi non sunt propriè liberi, ad naturæ tamen simi-  
litudinem legis beneficio pro liberis sunt, & adoptione  
feu



seu ad affiliatione liberi constituuntur. Sunt autem duæ de  
 jure Civili adoptionis species: arrogatio & adoptio in spe-  
 cie sic dicta, Dn. par. Henning. Wegner *in analys. ad tit. Inst.*  
*de adoption. in pr.* Jure Can. adoptio appellatur legalis co-  
 gnatio *tot. tit. de leg. cogn.* constituiturque nova adoptio-  
 nis species compaternitas, *c. ita diligere. 30. q. 3.* à qua ori-  
 ginem ducit spiritalis cognatio *tot. tit. de spirit. cognat.*  
 quæ nec juri Civili est incognita *l. 26. vers. ea videlicet. C. de*  
*nupt.* Legitimi liberi dicuntur, qui ex justo & legitimo ma-  
 trimonio suscepti sunt. *pr. Inst. de nupt.* qui de jure Civili  
 patrem sequuntur *l. 24. de stat. hom.* Jure Can. matrem. Cu-  
 jac. *ad c. un. de nat. ex lib. vent.* Rittersh. *de diff. iur. lib. 2. c.*  
*7.* Manent liberi legitimati, adoptivi & legitimi in pote-  
 estate parentum, donec sui iuris fiant, quod de jure Civili  
 potest contingere 9. modis, *1. tit. Inst. quib. mod. ius pat.*  
*pot. solv.* ubi sex recensentur, septimus est episcopalis digni-  
 tas & quilibet honor filium à curia liberare valens *nov. 81.*  
*octavus*, si parens incestus contraxerit nuptias. *auth. ince-*  
*stus nuptias. C. de incest. nupt.* nonus, si pater leno necessita-  
 tem peccandi filiae imposuerit *l. 12. C. de episc. aud. l. 6. C. de*  
*spectat.* Jure Can. superadditur decimus modus, legitima-  
 etas, quæ est in foeminis 12. annorum, in maribus 14. *c. pu-*  
*ella 20. q. 2.* Sacerdotium autem jure Can. filium è potesta-  
 te patris non liberat, neque id Canonistæ comm. probare  
 possunt *per c. indecorum. de arat. & qual. Diff. Rosbach. de*  
*diff. iur. lib. 1. tit. 2.* Et hæc est prima divisio personarum  
 in liberos & servos: iam aliquid dicendum de secunda u-  
 trique juri quoque non incognita, quâ personæ dividun-  
 tur in laicos, clericos & homines mixtos, qui nec ad lai-  
 cos nec ad clericos propriè referri possunt, quales sunt mi-  
 lites hospitalarij sancti Johannis Hierosolymitani, Gre-  
 gor. Tholos. *part. iur. Can. lib. 2. tit. 8. c. 2.* Laici dicuntur

Legiti-  
 mi.

Modi so-  
 lutionis  
 patriæ  
 potesta-  
 tis.

Secunda  
 persona-  
 rum divi-  
 sio in lai-  
 cos &



Clericos

Clerico-  
rum no-  
vem or-  
dines.

omnes mundi *l. 55. §. 1. C. de episc. & cleric. & seculari*  
conversationi dediti *l. 56. pr. C. eod.* appellantur etiam idi-  
ota *1. Cor. 14. v. 16. nov. 6. t. 1. §. 2. nov. 137. c. 6.* estque ijs  
concessum uxorem ducere, terram colere, temporalia pos-  
sidere, inter virum & virum judicare, causas agere, obla-  
tiones super altari deponere, decimas reddere, ut ait Hie-  
ronymus *in c. duo sunt genera. 12. q. 1.* & sub hac appellatio-  
ne comprehenduntur omnes quoque Impp. & reges *c. tua. 25. c. dudum. 31. de decim.* Clerici illi dicuntur, qui manci-  
pati sunt divino officio, deditique contemplationi & ora-  
tioni *d. c. duo sunt.* prohibetur illis audire jus Civile ut &  
Physicam, nec non medicinam, quia praecepta medicinae  
sunt divinae cognitioni contraria *c. contraria. 21. de conse-  
crat. dist. 5.* debentque contenti esse studio juris Canonici  
& Theologiae *c. fin. ne cler. vel mon secul. negot.* Poëtas, hi-  
stóricos, paganosque scriptores legere possunt, sed non ni-  
si bonâ intentione *c. legimus. 7. dist. 37.* Laicis quoque in-  
terdictum fuit ab Honorio III. docere jus civile in Francia.  
*c. super 28. de privil. & excess.* Utrisque autem tam laicis  
quam clericis prohibitum est disputare de rebus divinis sub  
gravi poena, quæ de jure Civili est arbitraria *l. 4. C. de summ. Trinit. de jure Can. est excommunicatio c. 2. §. inhibemus. de heret. in 6.* Clericorum ordines sunt novem. Omnium  
primus est episcoporum. Vocabulum autem episcopi hîc  
nontribuendum est ijs, qui præsunt pani & cæteris rebus  
venalibus ad quotidianum victum comparatis, ut in *l. 18. §. 7. de muner.* sed ijs qui gerunt curam animarum. Ordo ho-  
rum episcoporum est quadripartitus, id est in patriarchis,  
archiepiscopis, metropolitanis & episcopis in specie sic di-  
ctis *c. 1. §. ordo verò. dist. 21.* Inter patriarchas primus est  
papa seu pontifex Rom. qui non puri hominis, sed veri  
Dei gerit vicem in terris. *c. quando. de transl. episcop. unde*  
cum



eum dictum vult gloss. *in pref. Clem.* à papæ admirandi interjectione, quod verè sit admirabilis, allegatque versus eujusdam Anglici:

*Papa stupor mundi, peragis qui maxima rerum,*

*Nec Deus es, nec homo, quasi neuter es inter utrumque*

Dicitur esse caput omnium sanctissimorum Dei sacerdotum *l. 7. pr. C. de summ. trinit.* tantumque præstat Impp. quantum spiritus carni, & sol lunæ. *c. solita. de Maior. & obed.* imò in administratione est major Apostolo Paulo, quia est loco Petri, *c. 25. quoniam vetusto. 24. q. 1.* qui fuit Paulo major in administratione *c. 35. puto 2. q. 7. c. in nov. 2. dist. 21.* Hostiens. *de rescript. n. 11.* & quemadmodum legum originem anterior Roma sortita est, ita & summi pontificatus apicem apud eam esse nemo est, qui dubitet, *nov. 9. pr.* quod expressâ sanctione Justin. Imp. *in nov. 131. c. 2.* confirmavit, dicens: Sancimus sanctissimum senioris Romæ Papam primum esse omnium sacerdotum, beatissimum autem archiepiscopum Constantinopoleos novæ Romæ secundum habere locum post sanctam Apostolicam senioris Romæ sedem, alijs autem sedibus omnibus præponatur. Sed hunc primatum Rom. Ecclesiæ non ab Impp. neque ullâ aliquâ synodo, sed ab ipso Christo institutum esse dicit Papa Gelasius *c. 3. dist. 21.* & tamen Gregorius hoc superbæ appellationis verbo, universalis scil. Papæ insigniri noluit *c. 5. dist. 99.* Habet Papa suos assessores, qui dicuntur Cardinales, quasi cardines omnium ecclesiarum & qui serviunt universæ Ecclesiæ. *c. execrabilis. extravag. comm. de præbend.* hos Papa appellat fratres suos, quia in executione officij sacerdotalis coadjutores ipsi adstant *c. fundamenta. 17. de elect. in 6. c. quam gravi. 6. de crim. fals.* Primum post Papam locum habet Patriarcha Constantinopolitanus *d. nov. 131. c. 2. c. 3. dist. 22.* Alexandrinus secundum, qui ante fuerat omnium



omnium patriarcharum primus c. 2. dist. 22. Antiochenus  
tertium, qui quondam quoque fuit primus *Act. 11. v. 27. c.*  
*rogamus. 24. q. 1.* Hierosolymitanus quartum *nov. 123. c. 3. c.*  
*6. dist. 21. c. antiqua. de privil. & excess. c. definimus 3. in fin.*  
*de sum. trinit. in 7.* Archiepiscopus est summus episcopo-  
rum, tenetque vicem Apostolorum & præsudet tam metro-  
politani, quam cæteris episcopis *d. c. 1. dist. 21.* eorum non-  
nulli dicuntur primates, ut in Germania archiepiscopus  
Magdeburgensis, in Italia Venetus & Aquilejensis, in Hi-  
spania Toletanus. Metropolitanus dicuntur, qui singulis  
provincijs præminent, quorum auctoritati & doctrinæ  
cæteri sacerdotes subiecti sunt, sine quibus nihil reliquos  
agere licet episcopos *d. c. 1. dist. 21.* Episcopus est, qui su-  
perintendit, scilicet curam gerens subditorum *d. c. 1.* Et hi  
sunt quatuor ordines primi episcoporum ordinis. Secun-  
dus ordo est presbyterorum, qui quandoque sub nomine  
episcoporum comprehenduntur *ut in c. 24. dist. 93.* Tertius  
ordo est diaconorum. Quartus subdiaconorum. Et hi qua-  
tuor ordines dicuntur majores. In minoribus quinque sunt  
ordines 1. est acolytorum. 2. exorcistarum. 3. lectorum, ad  
quos referuntur psalmistæ seu cantores. *Canis de sum. iur.*  
*Can. lib. 1. tit. 5. 4.* ostiariorum & denique clericorum pri-  
mi gradus, quibus prima tonsura confertur *c. 11. ext. de e-*  
*rat. & qual.* Omnium horum ordinum definitiones & of-  
ficia proponuntur *in c. 1. dist. 21.* & explicantur latius à Gre-  
gor. Tholos. *part. iur. Can. lib. 2. tit. 9. c. 2. 3. & seqq.* ubi  
quoque enumerat dignitates in ecclesijs collegialibus &  
monasterijs receptas. Hic adjiciendæ sunt quædam jurium  
differentiæ. Prima est, quod jure civili episcopus anno æ-  
tatis 35. vel etiam 30. ordinari debeat juxta *nov. 123. c. 1. §. 1.*  
*nov. 137. c. 2.* nec presbyter eo jure minor 35. annis fieri quis  
permittitur, nec diaconus aut subdiaconus minor 25. nec  
lector



Testor minor 18. nec diaconissa minor 40. annis *d. nov. 113. c. 13.* Diff. Rittershus. *de diff. iur. lib. 7. c. 3.* ubi dicit, quod jure Civili quis possit esse episcopus natus 25. annos. Jure Can. 30. annos episcopus & presbyter habere debent *c. cum incunctis. 7. de elect. c. 1. & 2. dist. 78.* Verum Clemens in  *Clem. fin. de arat. & qual.* constituit, ut quis liberè in decimo octavo ætatis anno ad subdiaconatus, in vigesimo ad diaconatus & in vigesimo quinto ad presbyteratus ordines promoveri debeat. Leo autem 10. voluit, clericos, qui præssent ecclesiis 27. annos habere debere, qui autem monasteriorum curam gererent 22. *c. cum pia. de elect. in 7.* Secunda differentia est, quod laici jure civili episcopum eligere possint & jus suffragij habeant. *nov. 123. c. 1.* Jure Can. nec habent jus eligendi, nec suffragiorum *c. 51. de elect.* jus tamen præsentandi habent. *101. tit. de iur. patron.* Jure Civili laicus ecclesiæ cujusdam patronus, si suæ ecclesiæ præsentaverit indignum, privatur jure præsentandi, jubeturq; episcopus alium præsentare *nov. 123. c. 18.* Jure Can. non privatur *c. cum nos. 4. de offic. indic. ordin. c. cum incunctis. 7. de elect.* Jure civili pro receptione ad sacros ordines, itemque pro scriptura licet aliquid dare, datumque licitè accipitur *nov. 123. c. 3. §. pro consuetudinibus.* Jure Can. acceptio pecuniæ, quæ fit vel pro sacerdotio ipso, vel pro ejus accessorijs, est illicita, quia incidit in crimen Simonie *c. 4. sic ut 1. q. 2.*

*c. §. 1. Inst. de R. D.* Est & alia rerum divisio in corporales & incorporales. Illæ dicuntur, quæ tangi possunt, hæ, quæ tangi nequeunt, qualia sunt ea, quæ in jure consistunt *§. 1. & 2. Inst. de reb. corpor. & incorp.* Jure Can. rerum aliæ sunt spirituales, aliæ temporales, aliæ mixtæ, Lancell. in *Inst. lib. 2. tit. 1.* Spiritualium iterum aliæ sunt corporales, aliæ incorporales. Incorporales dicuntur virtutes & dona

Dei.



Dei. Corporalium alia sunt sacra, alia sancta, alia religiosa. Res sacra non tantum dicuntur aedes sacrae & donaria rite Deo dicata, ut de jure Civili. §. 8. *Inst. de R. D.* sed etiam 7. Sacramenta, quae à Lancell. *d. lib. 2. tit. 2. Inst. iur. Can.* distinguuntur in voluntaria & necessaria. Necessaria sunt quinque: baptismus, confirmatio, poenitentia, eucharistia, extrema unctio. Voluntaria sunt duo, ordo sacer & matrimonium. Temporales Ecclesiae res dicuntur, quae alienari possunt, si id Ecclesiae utilitas postulet & consensus clericorum accedat. Mixtae dicuntur decimae tam praediales quam personales, jus enim decimandi spirituale est & fructus decimarum sunt temporales. Lancellot. *d. lib. 2. tit. 22.*

### III.

Judiciorum considerata 1. praeliminaria. 2. ea quae in ipso iudicio fiunt. In praeliminariis solet quaeri 1. de competentia <sup>a</sup> magistratus, cuius officium <sup>b</sup> & potestatem <sup>c</sup> litigantes scire debent. 2. de citatione <sup>d</sup> & actionis editione. <sup>e</sup> 3. de impedimentis, quae ingressui litis obstant.

<sup>a</sup> extra territorium enim jus dicenti impune non pareretur *l. fin. de iurisd. l. fin. C. si à non comp. iud. l. 53. C. de decur.* Unde actor reum in ius vocaturus, iudicem competentem adire debet. Potest autem iudex fieri competens inter alia etiam partium prorogatione, cum iurisdictio de persona in personam prorogatur, quod jure Civili facere licet cuivis *l. 1 & 2. de iudic.* Jure Can. clericis id regulariter prohibitum *c. non liceat. 3. q. 6. c. significasti. 18. de for. compet.* Imò omnino interdictum *c. P. & G. 40. de offic. iud. deleg.* Jure Civili



Civili clericus beneficio suo, quod coram alio, quam iudice Ecclesiastico conveniri nequeat, renunciare potest *l. 7. C. de episc. aud.* Jure Can. non potest *c. 12. de for. compet.* Fit etiam jure Civili iudex competens ob contractum *l. 19. & seq. de iudic.* quod de iure Can. nonnihil est immutatum *c. 1. §. contrahentes. de for. compet. in 6.* Jure Civili clericus laicum in causa pecuniaria coram laico iudice convenire debet *d. l. si quis. 7. C. de episc. aud.* Jure Can. coram episcopo loci *c. 9. de for. compet.*

*l. explicatum à tit. de senat. usque ad fin. lib. 1. ff.* ubi vid. Wes. in parat. Officium magistratus Ecclesiastici exponunt Canil. in summ. iur. Can. lib. 1. tit. 16. & seqq. & Gregor. Tholos. partit. iur. Can. lib. 2. tit. 9. c. 2. & seqq. Jure Civili archiepiscopus extra ecclesiam pallio suo uti potest, sicut proconsul insignibus suis extra provinciam suam *l. 1. de off. procons.* Jure Can. archiepiscopus non potest *c. 1. & 5. de auct. pall.* Jure Civili aliud est officium iudicis, cui mandata est iurisdictio, aliud est iudicis dati seu delegati *l. 5. d. properandum. 13. §. 1. C. de iudic. l. un. C. qui pro sua iurisdict.* Ille non tantum causæ nudam notionem sed etiam executionem habet, omniaque agit, quæ ipse mandans agere potuisset *l. 1. de off. ei. cui. mand. est iurisdict.* Hic nudam saltem facti notionem habet *l. 5. de re iudic.* eiusque sententiam exequitur magistratus, qui ipsum dedit *l. 15. pr. eod.* alio nomine pedaneus appellatur, quia ad pedes magistratus superioris sedebat & iubebatur postquam partes coram prætore causam proposuissent, de controversia iudicare *108. tit. C. de pedan. iudic. ubi Cuiac. Donell. 17. comm. 21.* hinc orta illa iuri Rom. cognita distinctio, agere in iure, agere in iudicio, illud fiebat coram prætore, hoc coram iudice pedaneo. Wesemb. in parat. de offic. prætor. in fin. & ad tit. de iudic. n. 14. Fuerunt & alii iudices, dicti pedarii, quod pe-



dibus in sententiam superiorum magistratum irent, eam-  
 que pluralitate sua confirmarent, ad quos reus potuit voca-  
 ri l. 3. §. 1. *ne quis cum qui in ius vocat.* ad pedaneos enim vo-  
 cari non potuit l. 7. *de restit. in integr.* Wesl. in parat. *de in ius*  
*voc. n. 3.* Juri Can. hæc distinctio est incognita, idemque  
 est iudex datus & is cui mandata est jurisdictio, idcirco ut-  
 terque sub nomine judicis delegati comprehenditur. *101.*  
*tit. de offit. & pot. iud. deleg.* Hinc jurisdictio alia ordina-  
 ria, alia delegata c. *fin. de sent. & re iudic.* Boccr. *clas. 6. disp.*  
*2 n. 13.* Gregor. Tholos. *partit. iur. Can. lib. 5. tit. 5. c. 1. &*  
*seqq.* Jure Civili cuius non facile delegantur causæ, sed  
 saltem iudicis consiliariis, qui sunt explorata fidei *nov. 82.*  
 §. 2. Jure Can. liberius permittitur delegatio c. 28. §. *item*  
*cum ea. de off. iudic. deleg.* Jure Civili delegatus iudicis exe-  
 qui potest suam sententiam l. *un. C. qui pro sua iurisdict.* Jure  
 Can. non potest, c. *in literis. c. pastoralis. 28. §. quia verò. de*  
*offic. deleg.* Dn. Præcept. Bachov. *ad Tr. vol. 1. disp. 3. th. 2. lit. c.*  
 c. consistentem in jurisditione, mero & mixto im-  
 perio l. 1. 2 & 3. *iurisdict.* Jure Civili concessione plenissima  
 jurisditionis venit imperium mixtum non merum, quia  
 hoc non iure magistratus sicut illud, sed ex speciali legis  
 concessione competit, & propterea delegari nequit l. 1. §. 1.  
*de offic. ei. cui mand. est iurisdict.* Jure Can. sub nomine ple-  
 nissimæ jurisditionis utrumque imperium continetur &  
 delegari potest, c. *quod sedem. 10. de offic. iudic. ordin. ubi. Pa-*  
*norm. per c. suffraganeis. 11. de elect. c. aqua. 9. de consec. eccles.*  
*vel alt. c. licet. de offic. vic. in 6.* Bart. *de diff. iur. n. 19.* Jure  
 Civili, qui extremum quod in jurisditione est, non fece-  
 rit, punitur l. 1. *si quis ius dic. non obtemp.* Jure Can. illa distri-  
 ctio & rigor in rebus & personis Ecclesiasticis non requiri-  
 tur c. 1. *de dol. & contum.* Jure Civili Imp. dominus orbis est  
 l. 9. *ad l. Rhod. de iact.* Jure Can. est Pontifex gl. *in c. un. verb.*  
*in qui.*



in quibuslibet mundi partibus, de stat. regul. in 6. per c. 17. cum-  
sta per mundum, 9. q. 3. ideoque omni humanæ creaturæ  
imperat utroque gladio, spirituali & temporali c. 1. in ex-  
travag. comm. de mai. & obed. Spiritualis, Sacerdotis est:  
temporalis, quanquam sit in manu regum & militum, ad  
nutum tamen & patientiam sacerdotis regitur, quo gladio  
utendum est, ubi spiritualis non timetur c. postulasti. 21. de  
homicid. c. ad abolendam. 9. de heretic. Secundum hæc acci-  
piendus est c. 6. inter hac 33. q. 2. sanctam Dei Ecclesiam  
mundanis nunquam constringi legibus, & non habere al-  
lum gladium quam spiritualem, præter quem, nec ipsum  
Papam, alium usurpare posse, quoad executionem scili-  
cet, ait Bartol. de diff. iur. n. 146.

de ejusque speciebus in ius vocatione & citatione in  
specie sic dicta. In ius vocatio olim fieri poterat autoritate  
privata l. 2. l. 11. l. 19. l. 21. de in ius voc. quod tamen jure no-  
vissimo nov. 112. c. 2. §. si vero, ut & jure Can. moribusque  
nostris clem. pastoralis, de sent. & re iudic. in usu esse desit.  
Bocer. class. 6. disp. 13. n. 40. & seqq. Citatio sic in specie di-  
cta fit vel privatim ad domum, vel publicè per præconem,  
vel tubam, vel campanam, vel edictum Wes. in parat. de in  
ius vocan. n. 13. Iure Can. citatio per edictum regulariter  
fieri nequit, Panormit. in c. gratum, 28. n. 3. de offic. iud. de  
leg. & in clem. 1. de iudic. Felin. in c. quoniam, §. porro. col. 1. &  
sex seqq. ut lit. non contest. Iure Civili iudicium incipit à litis  
contestatione, non à citatione, quemadmodum & litis  
contestatio jurisdictionem perpetuat, l. 15. de procur. nov.  
112. c. 3. §. 1. Iure Can. incipit à citatione, quæ quoque ju-  
risdictionem perpetuat c. gratum. 20. de offic. iud. deleg. Iu-  
re Civili ad totam causam una sufficit citatio, quod quo-  
que in Camera observari dicunt Myns, cent. 4. obs. 33. & Gaik.  
1. obs. 51. n. 10. Iure Can. una non sufficit, sed trina requiri-



*jur. c. consuluit. 24. & ibi Canonista. de off. ind. deleg. clem. se-  
pe. de V. S.* Præterea circa citationem notandum, ne fiat  
in diem incertum aut feriatum, aut intra dilationum tem-  
pus, aliàs jure Civili non valebit, quia certus dies, quo ci-  
tatus se sistere debeat, exprimendus est *l. 115. pr. ubi gl. de V.  
S.* vel si facta sit ad diem feriatum citatus comparere non  
tenebitur *l. fin. C. de fer.* Iure Can. non refert dies certus ex-  
primatur, an incertus in citatione *c. eos. 22. in fin. de sent.  
excomm. in 6.* an fiat in diem feriatum vel non, quia etsi ci-  
tatus die feriato comparere non teneatur, die tamen feria-  
tum sequente se sistere debet, *c. cum dilecti. de dol. & contum.*  
In Camera hæc solet observari clausula: compareas tali  
die, quod si ille non sit juridicus, compareas die sequenti.  
Gail. 1. obs. 53. Iure Civili dilationum tempora sunt certa *l.  
1. C. de dilac.* Iure Can. sunt arbitraria *c. quoad consultatio-  
nem. 15. de sent. & re iudic. c. oblata. 57. §. licet. de appell.* Se-  
cundum hoc jus Canon. pronuntiatur in Camera Gail. 1.  
obs. 91. n. 13.

et quam de jure Civili actor edere tenetur, ut sciat re-  
us, an cedere an contendere debeat, & si contendendum  
putet, cognita actione instructus veniat *l. 1. de eden.* Iure  
Can. actionem in libello exprimere non tenetur, factum  
tamen tam clarè proponendum est, ut ex eo ius agendi col-  
ligatur *c. dilecti. 6. de iudic.* Possunt autem utroque iure a-  
ctiones in uno eodemque libello cumulari *l. 11. de iurisd. l.  
22. de iudic. c. 2. & ibi gl. in verb. expressum. c. 3. de caus. poss.  
& propriet.* Diff. Rittershus. *de diff. iur. lib. 5. c. 15.* negans  
iure Civili plures actiones in eodem libello cumulari pos-  
se secutus Charondam 3. *veris. 7. Obrect. de formand. libell.  
c. 23. n. 4. & seqq.* Iure Civili in libello plus petens vel re,  
vel loco, vel tempore, patitur damnum in solutione spor-  
tularum, quarum triplumolvere tenetur adversario. §. 33.  
Inst.



*Inst. de action.* Iure Can. plus petens re, tenetur expensas  
solvere adversario, loco plus petens tenetur ad interesse,  
tempore plus petenti duplicantur induciæ *c. un. de plus pe-*  
*tit.* Iure Civili post libelli oblationem dantur reo induciæ  
20. dierum, ut interea deliberet, an velit cedere, an con-  
tendere *nov. 53. c. 3.* Iure Can. tempus est arbitrarium *c. di-*  
*lectus, 11. ubi gl. de procur. c. cum sit Romana. 5. de appell.*

IV.

Impedimentum oritur vel parte altera  
invita, vel utraque consentiente. Illud fit ob  
remedia partim ordinaria, partim extraordi-  
naria. Ordinariè opponuntur exceptiones,  
vel ratione personarum litigantium, quod  
super re controversa pacti fuerint <sup>a</sup> aut trans-  
egerint: <sup>b</sup> vel ratione personarum ijs adfi-  
stentium, ut quod advocati <sup>c</sup> non sint personæ  
honestæ, <sup>d</sup> procuratores <sup>e</sup> non habeant man-  
datum, negotiorum gestores <sup>f</sup> sint calumnia-  
tores. <sup>g</sup> Extraordinarium remedium est resti-  
tutio in integrum. <sup>h</sup> Hoc impedimentum,  
quod ex consensu partium oritur, est, si liti-  
gantes in arbitrum compromittant. <sup>i</sup>

<sup>a</sup> Pacta sunt vel nuda vel non nuda. Ex nudo pacto  
jure Civili actio non nascitur *l. 45. de pact. l. 10. C. eod.* Iure  
Can. nascitur, quia ius divinum inter iuramentum & sim-  
plicem loquelam non distinguit *c. iuramenti, 22. q. 5. c. 1. &*  
*2. ubi Canon. de pact. Wesl. in parat. de pact. n. 9.* Diss. Ritters-  
hus, *de diff. iur. lib. 3. tit. 1.* Iure Civili pactum filia cum pa-  
tre

*Pacta  
nuda.*



*Pacta nō  
nuda.*

tre, ut dote contenta nullum ad bona paterna habeat re-  
gressum non valet, quia pactum de succedendo alteri im-  
probatur *l. 61. de V. O. l. 4. C. de inutil. stipul.* quod ita verum  
est, ut etiam non valeat, quamvis juramento sit confirma-  
tum *l. fin. ubi Dd. C. de pact.* Gail. 2. obs. 125. n. 2. cum *ibid. al-  
leg.* Jure Can. ejusmodi pactum filix cum patre juratum va-  
let *c. quamvis. de pact. in 6.* Pacta non nuda vel sunt legitima  
vel adjecta. Legitimorum sunt quatuor: constitutum, hy-  
potheca, dos & donatio. Reliqua, quæ recensent Dd. ut  
pactum de usuris argentario solvendis. *nov. 136. c. 4. de usu-  
ris ex pecuniâ civitatum præstandis l. 30. de usur.* de trajecti-  
cia pecunia *l. 5. §. 1. l. 7. de naut. fœn.* de usuris ex rebus fungi-  
bilibus, vino, frumento, oleo *l. 12. C. de usur.* pacta legiti-  
ma non sunt, sed vel adjecta, vel exceptiones à regula, quæ  
dicitur usuras non deberi, nisi ex stipulatione *l. 24. de præfer.  
verb.* Jure Civili pacta adjecta bonæ fidei contractibus, si  
illis causam dederit dolus, sunt ipso jure nulla, stricti au-  
tem juris contractibus adjecta subsistunt *l. dolo. 5. C. de inutil.  
stipul. l. 30. de V. O. l. 5. C. de rescind. vend.* Jure Can. pacta adje-  
cta tam contractibus stricti Juris, quam bonæ fidei, si iis do-  
lus causam det vel interveniat, sunt nulla Bald. *in c. 1. de plus  
petit.* Rittershus. *de diff. iur. lib. 3. c. 9.*

*b* Jure Civili de crimine poenam capitale inferen-  
te licet transigere *l. transigere. 18. C. de transact.* Jure Can.  
de nullo crimine licet transigere, quia nullum crimen eo  
jure capitaliter punitur *c. 30. his à quibus. 23. q. 8. c. sententi-  
am. 9. ne cler. vel mon. c. in archiepiscopatu. 4. de raptor.*

*c* gloriosæ vocis munimine confisi laborant iū spem,  
vitam, posterosque defendunt *l. advocati. 14. C. de advoc.  
divers. indic.* in eorum numerum non indistinctè quivis  
adsumuntur, sed saltem personæ honestæ, exclusis intami-  
bus & reliquis postulare prohibitis *in l. 1. §. 6. de postul. l. se  
quis*



quis advocatorum. s. l. pen. & ult. C. eod. præter quos iure Can.  
ab hoc officio removentur quoque excommunicati c. 17.  
excommunicatos, cum c. seq. 11. q. 3. c. exceptionem. 12. de ex-  
cept. episcopi, qui nec pro se in foro Civili (secus in eccle-  
siastico) nec pro aliis postulare possunt c. 3. quia episcopus. 5.  
q. 3. c. fin. de iuram. calum. item qui audiverunt leges Parisiis  
c. specula. 28. de priv. & excess. c. non magna. 3. in fin. c. fin. ne.  
cler. vel mon.

d Infames enim ut præced. lit. dictum, patroni cau-  
sarum esse nequeunt c. infames. 3. q. 7. Iure Can. infamia  
est duplex, alia juris Canonici, qua afficiuntur peccatores,  
qui in barathrum delabuntur, nisi eis sacerdotali autori-  
tate subventum fuerit, c. 3. illi. 6. q. 1. alia juris Civilis de qua  
in d. c. infames. 3. q. 7. quæ hujus est loci. Iure Civili non  
solum mulier intra annum luctus ad secunda transiens vo-  
ta, infamis est, sed etiam is, qui talem mulierem ducit l. 11.  
§. 1. & §. 4. de his qui not. infam. l. 15. C. eod. Iure Can. nec mu-  
lier ejusmodi nec eam ducens fit infamis c. super illa. 4. de  
secund. nupt. Iure Civili non omnis perjurus est infamis l. 2.  
C. de reb. cred. l. 2. de crim. stellion. quanquam à testimonij di-  
ctione repellatur l. 2. l. 3. §. 5. de testib. Iure Can. omnis per-  
jurus est infamis c. 17. & seq. 6. q. 5. Iure Civili non omnis  
de crimine damnatus est infamis l. 7. de publ. iudic. Iure Can.  
omnis, quia eo jure omne crimen infamat c. 9. constituimus  
3. q. 5.

e Iure Civili universitas non constituit procurato-  
rem sed actorem sive syndicum l. 1. & tot. tit. quod cuiusque  
univ. nom. Bartol. de diff. iur. n. 2. Iure Can. nihil interest,  
quocunque tandem nomine altera negotia gerens appelle-  
tur, quia eo jure omnis administrator venit appellatione  
procuratoris c. 8. salvator. 1. q. 3. hinc dicit Hostiens. tit. de  
procur. n. 1. ferè in fin. quod nil obstat si dicatur procura-

D

tor,



tor, sive syndicus, sive oeconomus, sive asinus, sive etiam  
 nullum nomen exprimatur, dummodo de mente consti-  
 tuentis liqueat *c. cum venissent, 2. de in integ. restit. c. petitio.*  
*9. de procur.* Iure Civili infamis potest esse procurator. §. *fin.*  
*Inst. de except.* Iure Can. distinguitur, ut pro Ecclesiasticis  
 personis procurator ignominiosus non admittatur, sed  
 tantum pro laicis & secularibus Panorm. *in c. imperatorum.*  
*8 de iuram. calum. Wes. in parat. de procur. n. 4.* Iure Civili  
 excommunicatus potest esse procurator, nam excommu-  
 nicatio animam & jura spiritualia non temporalia concer-  
 nit, excommunicatus autem manet civis. Dn. Præcept.  
 Bachov. *ad Tr. vol. 1. disp. 9. t. b. 2. lit. c. in fin.* Iure Can. non  
 potest esse *c. intelleximus, 7. de indic. c. post cessionem, 7. de pro-*  
*bat. c. decernimus, 8. de sent. excomm. in 6.* Iure Civili minor  
 25. annis, major tamen 17. potest esse procurator ad lites §.  
 5. *Inst. quib. ex caus. man. non lic.* Dn. parens Henning. Wegn.  
*in analys. Inst. ad d. §. 5.* Iure Can. non potest esse *c. qui gene-*  
*raliter, 5. §. fin. de procur. in 6.* Panorm. *in c. non iniuste, 14. eod.*  
 Iure Civili mulier nequit esse procuratrix *l. 18. C. de procur. l.*  
*2. de R. l.* Iure Can. potest esse. *c. cum dilecta, 4. ubi gl. in verb.*  
*procuratricem. de confirm. util. vel inutil.* Iure Civili tutor aut  
 curator ante litem à se contestatam procuratorem facere  
 nequit *l. 74. de procur. l. neq. tutores. II. l. nulla, 23. C. eod.* Iure  
 Can. prælatus, qui est ecclesiæ curator, etiam ante litem à  
 se contestatam procuratorem constituere potest *c. petitio 9.*  
*de procur.* Iure Civili procurator debet habere mandatum  
 specialissimum pro petitione restitutionis in integrum Dd.  
*in l. un. C. etiam per procur. in integ. restit.* Iure Can. saltem  
 speciale *c. suscitata, 6. & ibi Panorm. n. 5. c. seq. de restit. in in-*  
*tegr. c. 4. §. fin. de procur. in 6.* Rittershus. *de diff. iur. lib. 5. c. 12.*  
 Iure Civili negligentia procuratoris nocet domino, quia  
 lite contestatâ, persona domini amplius in consideratio-  
 nem



nem non venit, sed omnia perinde tractantur, atque si negotium ad ipsum procuratorem pertineret *l. 10. C. de procur. l. 13. C. mand.* Iure Can. non nocet, *c. cum venissent. 2. ubi gl. de restit. in integr.* Iure Civili fertur sententia in eum qui litem contestatus est, siue ille sit dominus siue procurator *l. nihil. 20. C. de procur. l. 1. C. de sent. & interloc. omn. iud.* Iure Can. fertur sententia in procuratorem, etiam si dominus sit litem contestatus *c. constitutus. 6. de relig. dom. ubi Panorm. dicit, de hoc multum dubitare legisas. c. 1. de procur. in 6.* Hostiens. *in sum. tit. de procur. n. 11.* Utroque autem iure procurator tenetur appellare, quamvis appellationem prosequi non cogatur *l. 17. C. de procur. est enim appellatio de appendicibus primæ instantiæ l. 31. §. 2. de neg. gest. c. non iniuste. 14. de procur.* Iure Civili morte mandatis post litem contestatam à procuratore non extinguitur mandatum procuratoris *l. si defunctus. 15. de procur.* Iure Can. morte Ecclesiæ rectoris, procurator pro eadem Ecclesia constitutus desinit esse procurator, non obstante litis contestatione ab ipso facta. *clm. fin. de procur.*

*f* Iure Civili quod non meo nomine ab alio gestum est, ratum habere non possum *l. si vi me. 4. de vi & vi arm. arg. l. item si cum putavi. 5. §. 1. de neg. gest.* Iure Can. possum *c. fin. 16. q. 1.*

*g* quales sunt, qui pecuniam ut alicui negotium facerent vel non facerent, acceperunt. Paul. *lib. 1. sent. c. 5.* Est autem calumniari in civilibus per mendacium & calumniam agere vel excipere, ad negotium alicui malitiosè faciendum *tot. tit. C. de iuram. propt. cal. dan.* in criminalibus est falsa crimina intentare *l. 1. pr. ad Sct. Turpill.* quod iure Civile etiam is facit, qui temere seu calore iracundiæ pervenit ad accusationem, unde talis punitur licet mitius *l. 4. C. de adul.* quia infirmitas animi malorum mores non ex-



eusat l. 1. C. si adu delict. Iure Can. non punitur, quia incon-  
sultus calor vitio calumnia caret c. si quis iratus. c. si quem pe-  
nituerit. 2. q. 3. confer. nov. Leon. 96.

**Metus**

h ob metum, dolum, minorennem aetatem, status  
mutationem, justam absentiam, alienationem iudicii mu-  
tandi causa factam. Iure Civili quæ metu gesta sunt, non  
sunt ipso jure nulla, aliàs non opus foret restitutione. Iure  
Can. sunt ipso jure nulla. Panormit. inc. de muliere. 6. c. cum  
veniens. 13. & seqq de sponsal. c. significavit. 2. de eo qui dux. in  
matrim. Wel. in parat. quod met. caus. n. 1. in fin. Iure Civile  
juramentum vi metuve extortum est ipso jure nullum, nec  
indiget absolutione. auth. sacramenta puberum. C. si advers.  
vendit. Iure Can. ejusmodi juramentum ipso jure valet, id-  
eoque indiget absolutione c. 8. ibi clerici qui coacti ministeri-  
um. de iureiur. Dn. Præcept. Bachov. vol. 1. ad Tr. disp. II. th.  
4. lit. B. Iure Civili is cui metus illatus est habet actionem  
adversus omnes, ad quos quid de suo pervenit l. 16. §. 2. quod  
met. caus. est enim actio quod metus causa in rem scripta l.  
9. §. 6. l. 14. §. 2. eod. Iure Can. prædicatores, eleëmofynam à  
violentis detentoribus porrectam de ablatis bonis restitu-  
ere non tenentur c. cum voluntate. 54. de sent. excomm. ratio  
ibi assignatur, quia eam voluntate dominorum accepisse  
præsumuntur. Iure Civili dolus semper præponderat cul-  
pæ l. 11. pr. ad l. Aquil. l. 226. de V. S. Iure Can. non semper c.  
cum dilectus & ibi gloss. in verb. ad fatuitatem. de his quæ vñ  
met. caus. Iure Civili semper ob magnam & evidentem cal-  
liditatem actio de dolo datur l. 7. §. fin. de dol. Iure Can. non  
semper, non in causa matrimonij c. veniens. 16. c. dudum. 20.  
de convers. coniug. non spiritualibus c. constituit 20. q. 3. Mi-  
noribus comparantur Ecclesiæ l. 4. C. ex quib. caus. mai. &  
quemadmodum minores de jure Civili intra quadrienni-  
um restituuntur contra completam præscriptionem l. fin.

**Dolus**

**Minores**

C. de



*E. de temp. in integ. restit.* ita quoque Ecclesiæ de jure Can. quia habent jura minorum *c. 1. & 3. de integ. restit.* Jure Civili impuberes contra contractum juratum restituuntur. Jure Can. non restituuntur Dn. Præcept. Bachov. *ad Tr. vol. 1. disp. 11. th. 9. lit. e. per tex. & Dd. ibi alleg.* Jure Civili minoribus & Ecclesiis restitutio contra libertatem non datur *l. 3. C. si adv. libert.* Jure Can. Ecclesiis datur *c. 39. et si. 12. q. 2.* Prioris status mutatio seu capitis diminutio de jure Civile *Capitis* est triplex, maxima, media & minima. *pr. Inst. de cap. min. diminutio.* *l. 11. eod.* Juri Can. ejusmodi status mutationis genera incognita sunt Rosbach. *de diff. iur. lib. 1. tit. 1. in fin.* Ob mutationem status, veluti si quis adoptatus vel emancipatus fuerat, prætor olim ita restituebat, ac si illa adoptio vel emancipatio facta non fuisset *l. 2. de cap. minut.* hodie autem restitutio illa non est in usu, quia non patitur capitis diminutionem adoptatus vel emancipatus, sublataque sunt solennia illa emancipationum *Wel. in parat. de cap. min.* Absentia *Absentia* iusta non ea tantum est quæ est necessaria, qualis est eorum, *tia.* qui reip. causa absunt, sed ea etiam, quæ est probabilis, ut est eorum, qui cognitionis & studiorum gratia, peregrinantur *l. 26. §. fin. ex quib. caus. maior. c. consultationibus. 10. de off. & potest. iud. deleg.* quæ quoque est privilegiata. *auth. habita. C. de fil. pro patr.* Rosbach. *de diff. iur. lib. 3. tit. 24. n. 5. & seqq.* quanquam de jure Can. ij qui absunt ratione studiorum in loco, ubi nullum vel minus competens exercitium studiorum est, privilegia non habeant, nec beneficia percipiant. *c. tua fraternitatis. 12. de cleric. non resid.* Jure Ci. *Alienda-* vili cessio actionum non præsumitur simulata, nec iudicij *tio iudi-* mutandi causa facta, dolus enim non præsumitur, sed pro *cij mu-* bandus est *l. per diversas. 22. l. seq. C. mand.* Jure Can. omnis *tandi* cessio quam recipit clericus à laico præsumitur simulata & *causa fa-* in fraudem facta. *c. ex parte. 2. & ibi gloss in verb. à præsumpti* *cta.* *one, de alien. iud. mus.*

D 3

i ad



z. ad effugiendas judiciorum moras & sumptus, cæte-  
raque incommoda declinanda l. 3. §. 1. de recept. arbit. quo-  
circa judiciorum præparatoriis ultimo subicitur tit. de re-  
cept. arbit. ubi notandum quod ob latiore vocabuli rece-  
ptorum acceptionem subiciatur tit. de iis rebus, quas nautæ  
caupones stabularij, custodiendas receperunt. Wesemb. in pa-  
rat. naut. caus. stabul. Iure Civili mulier arbitra esse nequit,  
quia arbitria ad instar judiciorum redacta sunt l. 1. de arbitr.  
l. fin. C. eod. mulier autem judex esse nequit l. 2. de R. I. Iure  
Can. potest esse c. dilecti 4. de arbitr. Iure Civili ordinarius  
judex non potest sumi arbiter super illa re, cujus est judex  
nov. 86. l. 9. §. si quis. 2. de recept. arb. Iure Can. potest c. cum tem-  
pore. 5. de arbitr. Iure Civili nemo ita potest fieri arbiter, ut  
partes juramento se obstringant, illius laudo se parituros,  
nam arbiter poenam statuere debet, qua præstita licet parti  
recedere ab ejus laudo auth. decernit. C. de recept. arb. Iure  
Can. potest fieri arbiter cum partium juramento glos. in c.  
2. per c. cum tempore. 5. & c. 10. eod. Iure Civili arbitri à partibus  
electi ob suspectum judicem non solum de causis recusati-  
onis judicis recusati cognoscunt, sed etiam de principali  
negotio. Specul. tit. de recus. §. fin. n. 1. Iure Can. cognoscunt  
tantum de causa recusationis, quæ si injusta sit, ad eundem  
judicem principalis quæstio redit, si justa, tum de ea cogno-  
scit vel superior judex, vel etiam alius. Rittershus. de diff.  
iur. lib. 5. c. 8. Iure Civili arbitri super causa restitutionis  
incidenter arbitrari possunt l. fin. C. ubi & ap. quem cognit. l.  
1. in fin. C. de ordin. iudic. sicut & jure Canon. Dn. Præcept.  
Bachov. ad Tr. vol. 1. disp. 12. th. 1. lit. C. Iure Civili arbitri e-  
lecti quibusdam absentibus arbitrari nequeunt, omnes e-  
nim arbitrari debent l. 17. §. 2. l. 18. de recept. arb. Iure Can.  
major arbitrorum pars arbitrari potest, dum tamen absen-  
tes per præsentis fuerint vocati c. fin. eod. in 6. Iure Civili  
senten-



sententia arbitri nudopactio & sine poena assumpti non aliter valet, quam si per partes litigantes approbetur *l. pen. C. de arbitr.* Iure Can. indistinctè valet etiam si non approbetur *c. per tuas. 2. eod.*

V.

Ea quæ in ipso iudicio fiunt, pertinent ad causas publicas & privatas. Privatarum aliæ civiles, aliæ criminales, finiunturque vel in prima vel secunda instantia. De civilibus proponuntur tituli generales & speciales. Speciales agunt, vel de propriè civilibus, vel de prætoriiis iudiciis. Propriè civilia sunt realia personalia, & ex his mixta. De realibus & mixtis agitur principaliter & secundariò.

Dicendum hic de personis iudicium constituentibus & partibus iudiciorum. Personæ iudicium constituentes sunt actor, reus & iudex. Jure Civili ratione patriæ potestatis nullam litem patri filius intentare potest, nisi ob peculium castrense vel quasi *l. lis nulla. 4. de iudic. l. 6. pr. vers. exceptis castrensibus. C. de bon. qualib.* Sed nec hoc nisi speciali venia iudicis impetrata *l. generaliter. 13. de in ius vocan.* Jure Can. filius potest. *c. 36. quaritur & ibi gl. 2. q. 7. c. 14. prohibetur 2. q. 1. glos. in c. 42. si ecclesia. 23. q. 4. Bartol. de diff. iur. n. 177.* quod consuetudine licet pessima receptum hodie conqueritur Rosbach. *de diff. iur. lib. 3. tit. 5. n. 6.* ubi dicit hoc esse testimonium certum huius ultimi & tristissimi seculi. Jure Civili filius sine permisso patris non habet personam standi in iudicio *l. 8. in fin. pr. C. de bon. qualib.* excepta causa legationis & studiorum *i. si longius. 18. §. 1. de iudic.* Jure Can. in *causis*

Actor &  
reus.

Iudex.



causis spiritualibus habet. *c. si annum, fin. de iudic. in 6.* Jure Civili consensus partium potest legitimare minorem 18. annis sit ut iudex *l. 57. de re iudic.* Jure Can. non potest *c. 41. de offic. deleg. Dn. Præcept. Bachov. ad Tr. vol. 1. disp. 12. th. 7. lit. E.* Utrouque autem jure iudex ordinarius potest recusari *l. apertissimi, 16. de iudic. auth. & consequenter. C. de sent. & interloc. omn. iud. c. si quis contra. 4. de for. compet. c. cum speciale. 61. de appellat.* Sed alio modo & effectu, ut vel causam mandare cogatur arg. *l. prator. 17. de iurisd.* aut superior adeatur & alius iudex ab eo petatur arg. *l. n. C. si quac. præd. potest. nov. 96. c. 2. nov. 53. c. 3. §. 1. Dn. Præc. Bachov. ad Tr. d. disp. 12. th. 11. lit. H.* Diff. Bartol. *de diff. iur. n. 26.* dicens quod de jure Civili ordinarius recusari nequeat, sibi tamen contrarius in *n. 167.* Gail, *1. obs. 33. n. 1.* Rosbach, *de diff. iur. lib. 3. tit. 3. n. 3.* Sic etiam utroque jure causa recusationis coram arbitris non solum proponenda, sed & probanda est, *l. 16. cum auth. si vero contigerit. l. fin. C. de iudic. d. c. 61. c. 41. de appell.* Diff. Rittershus. *de diff. iur. lib. 5. c. 8.* Jure Civili iudex pedaneus initio negotij duos aureos & in fine alios duos aureos à partibus accipere potest *nov. 82. c. 9.* Jure Can. clericis id interdictum *c. cum ab omni. 10. de vit. & honest. cleric.* Jure Civili iudex, si publicis occupationibus impediatur, litem apud se agitandam, initio, id est in contestatione audit & rursus in medio semel, in fine autem omnia relegere debet, quæ agitata & probata sunt, & sic ferenda sententia; cætera potest committere consiliariis *auth. ad hac. C. de iudic.* Jure Can. potest totam causam aliis vel conjunctim vel divisim audiendam mandare *c. super. 27. de off. & pot. iud. deleg.* idque prout placuerit non tantum consiliariis suis, sed liberè cuivis *c. pastoralis 28. eod.* Jure Civili iudex de emergente quæstione judicat, licet aliàs ejus cognitio ad ipsum non pertineret, quod fit ob causarum continenti-



mentiam l. quoties. 2. C. de iudic. l. si idem 11. de iurisd. Jure  
 Can. iudex laicus de emergente causa Ecclesiastica iudica-  
 re nequit, sed eam ecclesiastico iudicio remittere debet su-  
 spenso interim iudicio principalis. *tuam 3. de ordin. cognit.*  
*iuncto c. lator. 5. c. causam. 7. qui fil. sint legit.* Jure Civili ju-  
 dex regulariter causas triennio finire debet l. 13. §. 1. C. de  
 iudic. Jure Can. etiam ultra triennium extendere potest c.  
*venerabilis. 20. eod.* & vocat hanc differentiam maximam  
 Bartol. de diff. iur. n. 25. Diss. Rittershus. de diff. iur. lib. 5. tit.  
 1. ubi tamen ait nostram sententiam ubivis ferè locorum  
 ut & in Camera observari Myns. cent. 1. obs. 51. & cent. 2. obs.  
 48. Jure Civili iudex dolo malo iniquè judicans tenetur  
 parti læsæ ad litis æstimationem & refusionem expensarum,  
 insuperque notatur infamia & in triplum ejus quod recipit,  
 punitur, in duplum autem, quod ei promissum, sed non-  
 dum datum est *auth. novo iure. & l. seq. C. de pæn. iud. qui ma-*  
*le iudic.* Jure Can. tantum per annum suspenditur & parti  
 læsæ ad æstimationem litis condemnatur c. 1. de sent. & re  
 iudic. in 6. Partes iudicii præcipuæ sunt litis contestatio & *Partes*  
 sententia. l. 1. C. de lit. contest. l. 55. de re iudic. l. 15. rem rat. ha. *iudicij.*  
*ber. Wes. in parat. de iudic. n. 6.* Jure Civili litis contestatio  
 est necessaria in omnibus causis §. 4. in fin. verb. litis conte-  
 stata tempore. Inst. de interd. l. 20. de accus. l. fin. C. ut int. cert.  
 temp. Jure Can. litis contestatio non est necessaria in causis  
 matrimonij, electionis & quibusvis summariis c. *adhac*  
*Deus. 1. c. quoniam. 5. §. porro. ut lit. non contest.* Jure Civili lite  
 non contestata testes in iudicio criminali non recipiuntur  
 l. absentem. 5. de pæn. l. absentem. 6. C. de accus. l. quicumq. 2. C.  
 de requir. reis. Gail. 1. obs. 92. n. 12. Jure Can. recipiuntur d. c.  
*quoniam. §. porro. ut lite non contest.* Rosbach. de diff. iur. lib.  
 3. tit. 13. n. 1. De altera parte iudicii scilicet sententia agetur  
 in th. 14. lit. H.

E

VI.



Quando de realibus judiciis agitur principaliter, tum considerantur ea, quæ verè & secundum quid talia sunt. Judicia verè realia dividuntur in universalia<sup>a</sup> & singularia. Singularia pertinent ad res corporales<sup>b</sup> & incorporales.<sup>c</sup> Secundum quid realia dicuntur judicia quæ quandam cum realibus habent affinitatem.<sup>d</sup>

<sup>a</sup> quo pertinent quærela inofficiosi & hæreditatis petitio civilis, prætorica & fidei commissaria, quæ ultima non est prætorica, sed civilis, est enim ex Scto. §. *restituta*. 3. & §. *seq. Inst. de fideic. hered.* Diff. Wes. *in par. de fideicom. hered. pet. n. 1.*

<sup>b</sup> In quibus habemus dominium vel directum vel utile, quæ dominijs divisio, etsi quoad verba in jure non reperiatur, attamen quoad sententiam & mentem in illis extat. Dn. Præc. Bachov. *ad Tr. vol. 1. disp. 15. th. 1. lit. G.* Directum iterum est vel verum vel quasi. Ob verum datur rei vindicatio, ob quasi datur Publiciana. Utile dominium habet emphyteuta. Est autem emphyteusis contractus juris gentium non civilis. Dn. Præcept. Bachov. *ad Tr. vol. 1. disput. 29. th. 9. lit. B* Diff. Wes. *in par. si ag. vect. pet. n. 3.* Jure Civili dominus potest emphyteutam expellere, si canonem Ecclesiæ debitum intra biennium non solverit. *auth. qui rem huiusmodi. C. de SS. Eccles. l. 2. C. de iur. emphyt.* Jure Can. conceditur emphyteutæ purgare moram cum celeri satisfactione *c. fin. de locat. conduct.*

<sup>c</sup> servitutes scilicet, quarum aliæ dicuntur personales ut usufructus, usus & habitatio, aliæ reales, & ex iterum



rum dividuntur in urbanas & rusticas. Jure civili transe-  
anti per agrum alienum non licet evellere spicas aut co-  
medere uvas, nisi ei, qui servitutem sibi constitutam ha-  
bet *l. per agrum. 11. C. de servit. & aq.* Jure Can. licet, etiam-  
si non habeat servitutem *c. discipulos. 26. de consecrat. dist. 5.*

*d.* qualia sunt ea, quæ ratione damni nobis compe-  
tunt. Wes, *in parat. si quadr. paup. fec. dic. v. 1.* Infert autem  
damnum vel bestia vel homo, & hic vel liber vel servus.  
Ob damnum à libero illatum datur actio *l. Aquiliæ*, itemq;  
actio de ejectis & effusis: à servo damnum datum petitur a-  
ctione noxali. Jure Civili si plures hominem vulnerave-  
runt, ille saltem actione *l. Aquiliæ* tenetur, qui ita vulne-  
ravit, ut vulneratus ex vulnere mortuus fuerit, ceteri li-  
beramur *l. 11. §. 3. ad l. Aquil.* Jure Can. omnes sunt homi-  
cidæ, omnesque ad poenitentiam agendam obligantur *c. si  
quatuor. fin. 23. q. 8.* Jure Civili si dubium sit, an ex vulnere  
mortuus sit is, qui læsus est, non tenetur vulnerans actio-  
ne *l. Aquiliæ l. 15. §. 1. ad l. Aquil. l.* Jure Can. tenetur *c. ad au-  
dientiam 12. de homicid.* Jure Civili licet cuilibet pro defen-  
sione rerum suarum aliquem occidere, si aliter se tueri ne-  
queat. *l. 4. ad l. Aquil. l. 1. C. unde vi.* Jure Can. clerico id  
non licet *c. suscepimus. 10. ubi gloss. de homicid. c. 1. nimum.  
23. q. 8.*

## VII.

Quando de mixtis judiciis agitur principa-  
liter tum ea referuntur vel ad fines vel res  
communes. Communio est bonorum in &  
extra hæreditatem. Bona quæ sunt in hære-  
ditate, actione familiæ erciscundæ, bona ex-  
tra hæreditatem, communi dividundo dividi  
petimus.

E 2

Mix-



Mixta judicia dicuntur quadrupliciter : alia entor-  
tendunt ad rei & poenæ persecutionem §. 19. *Inst. de action.*  
alia sunt in rem scripta l. 7. *C. de revoc. don.* in aliis potest  
quis simul actoris & rei personā sustinere. l. 37. §. 1. *de O. & A.*  
alia oriuntur simul ex jure in re seu dominio, & simul ex  
jure ad rem seu obligatione, ut sunt hæc quatuor : petitio  
hæreditatis, finium regundorum, familiæ erciscundæ &  
communi dividundo judicia. De hæreditate agatur *in th.*  
13. lit. K. Jure Civili fines præscribi possunt l. fin. *C. fin. re-*  
*gund.* Jure Can. fines dioecesium præscribi nequeunt c. 4.  
*quicunq;* 16. q. 4. c. *super eo. 4. de paroch.* Jure Civili in fami-  
liæ erciscundæ judicio hoc receptum non est, quod frater  
major natus dividat, minor eligat *Wes. in par. famil. ercisc.*  
n. 6. sed hoc jure Can. receptum est c. 1. *de paroch.* Jure ci-  
vili pactum ne fiat divisio non valet l. 14. §. 2. *comm. divid.*  
ne juramento quidem confirmatum, nemo enim ulla ra-  
tione in futurum sibi ipsi, quo minus mutare liceat volun-  
tatem, legem dicere potest, Dn. Præcept. Bachov. *ad Tr.*  
*vol. 1. disp. 19. th. 14. lit. I.* Jure Can. valet, quia servari po-  
test absque dispendio salutis æternæ.

## II X.

Judicia realia & mixta tractantur secun-  
dario, per paralipomena pertinentia ad judi-  
ciorum, vel præparationem, <sup>a</sup> vel informati-  
onem, <sup>b</sup> vel ad supplementum l. Aquiliæ, <sup>c</sup> fi-  
nium regundorum <sup>d</sup> & rei vindicationis. <sup>e</sup>

<sup>a</sup> ut est actio ad exhibendum, itemque interrogato-  
riæ qq. Illa magnam habet utilitatem in rei vindicatione  
l. 1. *ad exhib.* Hæ olim proponebantur, quando nescieba-  
tur, quo judicio quid esset petendum, tum enim interro-  
gaba-



gabatur reus, quo titulo possideret, ut vel confitendo vel  
mentiendo le oneraret *l. 2. §. 4. de interrog. qq. Wes. in par.*  
*cod.* Hodie autem actio ad exhibendum non est in usu, nam  
ejus loco mandata compulsatoria petuntur, quæ tamen in  
effectu coincidunt cum ad exhibendum actione. Sic quo-  
que interrogatoriæ qq. antiquatæ sunt, quia quæ hodie ex  
confessione adversarij eliciuntur, post litem contestatam  
per positionales, non valent ad fundandam intentionem,  
sed probationem habent; quod etiam observatur in Ca-  
merâ Gail. *I. obs. 70. & seqq.* Cæterum jure Saxon. etiam  
positionales seu articuli in usu esse desierunt. *Fachs. de diff.*  
*iur. Civ. & Sax. 48 & 49.*

*b* ut *tit. de quib. reb. ad eund. iud. eat.* huc referri pos-  
set materia fori competentis, de qua aliquid dictum *sup. th.*  
*3. lit. A.* quot modis autem forum fortiamur tractat Ros-  
bach. *de process. iur. tit. 3.*

*c* quo referendi *tituli. de serv. corr. de fugit. de aleat.*  
Iure Civili torneamenta non sunt prohibita, quemadmo-  
dum alex, quia torneamentum est genus lusus, quod fieri  
solet virtutis causa *l. 2. §. 1. de aleat. & si eques equitem oc-*  
*ciderit, non tenetur actione l. Aquiliæ l. 7. §. 4. ad l. Aquil.*  
Iure Can. torneamenta omnino sunt prohibita, occisisque  
in illis denegatur sepultura *c. un. de torneam.* Sic quoque  
jure Civili athletæ laudantur *l. 4. de his qui not. infam.* Iure  
Can. vituperantur, eorumque vita & ars sagina esse dici-  
tur, eosque nihil aliud cogitare, quam de carnibus & ru-  
tu & ventris ingluvie *c. natales, 29. dist. 5. de consecrat.*

*d* quo pertinet *tit. si mens. fals. mod. dix.*

*e* Huc spectant *tit. de relig. & de mort. infer.* Iure Ci-  
vili unusquisque pro sua auctoritate & voluntate locum re-  
ligiosum facere potest inferendo mortuum *l. 6. §. religio-*  
*sum, 4. de R. D. §. 9. Inst. eod. l. 1. §. 7. de mort. infer.* Iure Can.



hoc nemo propria auctoritate facere potest, sed auctoritas & consecratio episcopi requiritur *c. adhuc. 4. de relig. dom. tot. tit. de sepul.* Iure Civili ornamenta cum corporibus condi non debent *l. 14. §. 5. de religios. l. 113. §. fin. de leg. 1. l. fin. §. fin. de aur. arg. legat.* Iure Can. archiepiscopus cum pallio sepeliri debet *c. 2. de auctorit. & us. pall.* Iure Civili homines non in urbe, sed extra urbem sunt sepeliendi *l. 12. C. de religios.* Iure Can. in urbis templo vel cœmeterio *c. 19. non estimemus. 13. q. 2.* Iure Civili nusquam reperitur, quod duorum conjugum corpora in eodem sepulchro sint reponenda, sed iure Can. hoc præcipitur obrationem hanc, quod quos Deus conjunxerit, homo separare non debeat *c. 2. Ebron. c. seq. 13. q. 2.* Si autem mulier plures habuerit maritos & non elegerit sepulturam, tum debet cum ultimo viro sepeliri *c. unaquaque. 13. q. 2. c. is qui habet. de sepul. in 6.* Ita jubentur eligere liberi sepulturam in loco parentum suorum *c. 1. de sepult. c. 7. placuit. 13. q. 2.* item inquilini eligentes sepulturam respicere debent ecclesiam parochialem, ubi Sacramenta participaverunt *c. 2. de sepul.* habetque ecclesia parochialis de mortuo alibi sepulto jus suum, id est canonicam portionem *c. ecclesias. 13. q. 1.* quod si autem inquilinus voluerit alibi sepeliri, funus deferendum est prius ad propriam ecclesiam, in qua missa haberi & sic ultimum vale ab eâ recipere debet. *gloss. in clem. dudum. verb. integrè, de sepult.*

#### IX.

Personalia judicia dividuntur in veros & quasi contractus. Veri considerantur in se & suis accessoriis. Considerati in se dividuntur in nominatos & innominatos. Nominati iterum in reales & consensuales. In realibus adver-



advertimus ad obligationem & compensati-  
onem. Obligamur vel per nosmetipsos vel  
per alios. Per nosmetipsos in mutuo, <sup>a</sup> com-  
modato & pignore, in quibus locum habet  
compensatio.

<sup>a</sup> Vero vel quasi. Iure Civili licet quid stipulari su-  
pra mutuum ad legitimum tamen modum *l. cum ultra. 9. C. de non num. pecun.* Iure Can. non licet, quia quod supra for-  
tem est, usura est, quæ eo jure omnino prohibetur *c. consu-  
luit. 10. de usur.* Iure Civili debitor non habet exceptionem  
non numeratæ pecuniæ ultra biennium. *tot. tit. Inst. de li-  
ter. oblig.* Iure Can. habet, quia iniquum est condemnare  
probaturum, sibi ex conventionem numeratum non esse.  
Dn. Præcept. Bachov. *vol. 1. diff. 26. th. 2. lit. C.* Veri mutui  
emplastrum est juramentum *Gell. lib. 16. c. 7.* quod debito-  
rem securum præstat ab exactiōe creditoris, si juraverit  
se nihil debere. Est autem juramentum, vel necessarium,  
vel voluntarium, vel judiciale. Species juramenti judici-  
alis est juramentum calumniæ. Iure Civili non distingui-  
tur inter juramentum calumniæ, malitiæ & de veritate di-  
cenda Ritterhus. *de diff. iur. lib. 6. c. 18.* Iure Can. distingui-  
tur *c. 1 & 2. de iuram. calum. in 6.* Iure Civili abbas in causa  
monasterij de calumnia jurat in animam suam *l. 2. §. 2. &  
5. C. de iureiur. propt. cal. dan.* Iure Can. non in animam su-  
am, sed majoris partis capituli *c. dudum. 54. de elect.* Iure  
Civili actor & reus per se juramentum calumniæ præstare  
tenentur, non autem per procuratorem *l. 2. auth. principa-  
les. C. de iureiur. propt. cal. dan.* Iure Can. non tenentur, sed  
illud per procuratorem jurantem in animam suam & do-  
minorum præstare possunt *c. 2. §. 1. c. fin. eod. in 6. & jus Can.*  
hoc in casu observari in Camera Imp. testatur Hartm. ab  
Eppin.

*Verū mu-  
tuum.*

*Iuramē-  
tum ca-  
lumniæ.*



Eppin. tit. de iuram. calum. 10. obs. 2. n. 7. Iure Civili omnes  
 iuramentum calumniæ præstare tenentur d. l. 2. §. 1. & auth.  
 principales. C. de iuram. calum. Iure Can. excipiuntur clerici  
 c. inhaerentes. 1. eod. nisi litigent in propriis causis c. cateram  
 s. eod. Iure civili in omnibus causis iuramentum calumniæ  
 præstandum est l. 1. pr. ibi in omnibus causis. l. 2. ibi in omnibus  
 litibus. C. de iuram. calum. Iure Canon. in causis spirituali-  
 bus, ut matrimonij, decimarum, Simonia &c. non jura-  
 tur de calumnia c. literas. 2. eod. sed hoc correxit Bonifaci-  
 us in c. 1. §. ult. d. tit. in 6. Iure Civili iuramentum calu-  
 mniæ semel tantum præstatur, & quidem initio litis nov. 49.  
 c. 3. Iure Can. sæpius & quocunque tempore tam ante quam  
 post litem contestatam c. cum dilectus. 32. §. nos vero atten-  
 dentes de elect. c. presentium. 31. c. pen. de test. c. 1. de iuram.  
 cal. in 6. Dn. Præcept. Bachov. ad Tr. vol. 1. disp. 21. th. 2. lit. b.  
 Iure Civili iuramentum calumniæ tacite remitti nequit l.  
 2. §. 4. C. de iuram. propt. cal. dan. Iure Can. potest c. 1. eod.  
 in 6. Iuramentum voluntarium præstare nequeunt de jure  
 Civili impuberes l. qui iurasse. 26. pr. de iureiur. l. fin. §. 2. de  
 lib. caus. l. 1. in fin. C. de fals. mon. Iure Can. possunt c. pueris  
 grandiusculis. 1. de delict. puer. Iure Civili iuramentum non  
 inducit obligationem, nisi in persona liberti, qui in ma-  
 numissione promittit patrono, se ei præstiturum operas l.  
 7. pr. de oper. libert. Iure Can. inducit obligationem c. 9.  
 verb. quia iuramento. de arbit. Iure Civili licitum est jurare  
 per salutem principis, per salutem suam, per salutem pa-  
 rentum l. 33. ubi Goth. de iureiur. l. si quis maior. 41. C. de trans-  
 act. Iure Can. non est licitum c. 8. considera. 22. q. 1. Utroque  
 autem jure prohibitum est jurare per membra Dei, rubr.  
 nov. 77. c. 10. si quis. 22. q. 1. quod tamen Galli non obser-  
 vant, apud quos vulgatissimum est jurare par la teste, ou  
 par le ventre de Dieu. Iure Civili perjurus non fit infamis,  
 Deum

Iuramē-  
 tum vo-  
 luntari-  
 um.



Deum tamen habet ultorem *l. 2. de crim. stellion. l. 2. C. de reb. cred.* Jure Can. fit infamis, prohibetur à testimonij dictione & per 40. dies & inde annos sequentes 7. in pane & aqua poenitere debet, nec unquam esse sine poenitentia *c. 17. infames. c. 18. quicumq. 6. q. 1.* Denique circa materiam juramenti notanda est regula hæc: quod jure Can. ea juramenti vis sit, ut ejus adjectione confirmantur omnes & quilibet actus alioquin ipso jure nulli Rittershus. *de diff. iur. mutuū. lib. 3. tit. 3.* Ob quasi mutuuum seu promutuuum dantur conditiones competentes 1. quod aliquid datum fuerit siue ob causam, quæ vel non secuta, vel turpis, vel erronea fuit, siue sine causa. 2. quod aliquid nobis ablatum fuerit. 3. quod ob generalem causam nobis aliquid debeatur.

X.

Per alios obligamur vel cum effectu, *a* vel sine effectu. Sine effectu si foeminae pro nobis intercedant, hoc enim ob Sctum Vellejanum facere nequeunt. *b* Compensatio in deposito *d* locum non habet.

*a* & quidem in solidum vel pro parte. Illud vel ratione personarum, quæ non sunt in nostra potestate, ut ex- ereitores, qui maxime nostra negotia exercent, ad quos pertinet lex Rhodia de jactu, itemque institores seu ut hodie appellantur factores, qui terrestres negotiationes nostro nomine peragunt: vel ratione personarum, quæ sunt in nostra potestate, ut servi (de quorum contractibus prodita est actio tributoria) & filij, qui quamvis emancipati vel exheredati sint, obligati tamen manent, sed quia ob utilitatem non suam sed patris obligati sunt, ideo post emancipationem aut post mortem patris non conveniuntur in

F

solli.



solidum, sed in quantum facere possunt: interdum tamen etiam hoc fallit, nimirum si ab impijs foeneratoribus filij pecuniam mutuam sumpserint, nam tum non tenentur nequidem in id quod facere possunt ob beneficium Scti Macedoniani. Hoc ratione peculij servorum & filiorum.

*b* & quidem jure Civili nec juratō quidem *l. 2. §. 4. ad Sct. Vellej.* Jure Can. jurata ejusmodi intercessio valet, quia juramentum illud absque dispendio salutis æternæ servari potest.

*c* utroque jure in delictis locum habens, *l. si uxor 13. §. iudex. s. de adult. c. pen. & ult. eod.*

*d* *l. pen. C. depos.* In genere depositum est vel rerum mobilium, quod propriè depositum dicitur, vel immobilium, quod appellatur sequestrium *l. 11. de pericul. & comm. rei vend.* quanquam etiam res mobiles sequestrari possint *l. 9. §. 3. de dol. mal. Dn. Præcept. Bachov. ad Tr. vol. 1. disp. 26. th. 4. lit. C.* Jure Civili depositum etiam furi reddendum est *l. 1. §. si prado. 39. depos.* Jure Can. non est reddendum *c. 1. eod.* Jure Civili regulariter sequestratio judicialis (non voluntaria *l. 5. §. 1. l. seq. depos.*) prohibita est *l. 4n. C. de prohib. seq.* Jure Can. regulariter est concessa. *tot. tit. de sequest. poss. clem. un. eod. c. ex literis. 2. de dol. & contum. Ol. dend. de collat. iur. Civ. & Pontif. in verb. sequestratio. Rosbach. de diff. iur. lib. 2. tit. 15. n. 10.* Jure Civili nullibi reperitur quod homo possit sequestrari. Jure Can. puella potest sequestrari, quæ à parentibus minis inducitur ad contrahendum matrimonium *c. cum locum. 14. ubi glos. de sponsal. c. pen. de probat. Gail. 2. obs. 45. n. 5. & 1. obs. 112. n. 5.*

## XI.

Consensualium contractuum alij perficiuntur operâ, ut mandatum & societas, *b* alij pretio



pretio, ut emptio venditio, & alij mercede, ut locatio conductio. *d* Contractuum innominatorum recensentur quatuor. *e*

*a* de relicita & honesta, turpis enim rei mandatum nullum est *l. si remunerandi. 6. §. 3. mand.* quod si autem tale mandatum turpe, mandatarius executus fuerit, tam ipse quam mandans tenebitur *c. non est obligatorium. 58. de R. I. in 6.* Jure Civili mandans vulnerare, prohibens autem occidere, non tenetur ordinaria *l. Corneliae poena,* si mandatarius fines mandati egressus sit, & non solum hominem vulneraverit, sed & occiderit *l. 1. §. 3. l. 7. l. 14. de sicar.* Jure Can. tenetur *c. fin. de homicid. in 6.* Jure Civili mandans crimen perpetrare, re integra & non perfecto crimine, de eo non tenetur *l. 15. de sicar. l. 5. C. de accus.* Jure Can. tenetur, *clem. si quis suadente. 1. ubi gl. in verb. mandaverit. de pæn. c. pro humani. 1. circ. fin. de homic. in 6.*

*b* Jure Civiliterum inhonestarum & maleficiorum nulla est societas *l. 53. l. 57. pro soc. l. 1. §. 14. de tut. & rat. dist.* & appellatur ejusmodi communicatio turpis atque foeda communio *d. l. 53. pro soc.* Jure Canon. latior est vocis socij acceptio, accipitur enim pro quovis consorte, unde tripliciter dicitur quis esse in malorum societate, si cum ijs aliquid committat, vel ijs faveat, vel eos non corripiat *c. 6. ita plane. 23. q. 4. nec caret scrupulo societatis occultæ, qui manifesto facinori desinit obviare c. error. 3. dist. 83. c. 8 qui potest. 23. q. 3.* Sic artes magicæ & incantationes dicuntur esse ex quadam pestifera societate hominum & daemonum, quasi pactis infidelis & dolosæ amicitiae constitutis *c. 6. illud. in fin. 26. q. 3.* De pluribus acceptionibus vide gloss. in *clem. si quis suadente. 1. pr. in verb. defensaverit. de pæn.*

*c* Jure Civili licitum est e mentibus & vendentibus



se invicem circumscribere *l. 22. §. 3. locat.* & quidem usque  
ad dimidium justii pretij *l. 2. in fin. C. de rescind. vend.* Jure  
Can. quanquam id quoque concessum sit, *c. cum dilecti. 3. c.*  
*cum causa. 6. de empt. vend.* tamen Ecclesia in actibus suis  
fraudem adhibere non debet *c. per tuas. 5. de donat.* Jure Ci-  
vili licitum est emere vilius & vendere carius *l. 8. C. de re-*  
*scind. vendit.* Jure Can. clericis id interdictum *c. 3. cano-*  
*num. 14. q. 4.* Jure Civili in alienatione rerum Ecclesiasti-  
carum major requiritur solennitas, *auth. hoc ius porrectum.*  
*C. de SS. Eccles.* quam jure Can. *c. 52. sine exceptione. 12. q. 2.*  
Utroque autem jure venditor præcise ad rei traditionem  
non tenetur, sed præstando interesse liberatur *l. 17. C. de fid.*  
*instrum. l. 4. C. de action. empt.* Dn. Præcept. Bachov. *ad Tr.*  
*vol. 1. disput. 28. th. 2. lit. C.* Rittersh. *de diff. iur. lib. 3. c. 11.*  
*ubi dicit controversiam hanc nussiam iure Can. decidi, ideoque*  
*standum esse decisioni iuris Civilis.* Diff. Rosbach. *de diff. iur.*  
*lib. 2. tit. 12. n. 2.*

*d* quæ est vel rei vel facti: & hæc vel operis vel ope-  
rarum. In locatione operarum, qui solvit mercedem, di-  
citur conductor, qui locat operas, dicitur locator, ubi au-  
tem concurrunt opus & operæ, uterque potest locator &  
conductor dici *l. 19. §. pen. l. 22. §. 2. l. 38. locat.* Dn. Præcept.  
Bachov. *ad Tr. vol. 1. disp. 29. th. 1. lit. H.* Jure Civili domi-  
nus ædium potest eas locare alteri, etiam priore conducto-  
re invito, quamvis ille sit studiosus *l. 32. C. locat.* Jure Can.  
si prior conductor studiosus sit, non potest eo invito alteri  
locare, sub poena excommunicationis *c. 1. de locat. cond.*  
Dn. Rittershul. *de diff. iur. lib. 3. c. 13.*

*e* do ut des, alio nomine permutatio dictus, do ut  
facias, facio ut des, facio ut facias, quorum ratione dan-  
tur actiones præscriptis verbis & in factum. Jure Civili in  
contractibus innominatis penitentia locus est *l. 5. pr. de*  
*cond.*



*cond. caus. dat. Jure Can. non est glos. in c. cum inter 16. in  
verb. ex consensu. de elect.*

[XII.]

Accessoria contractuum pertinent ad contractuum vel securitatem, ut pignora, <sup>a</sup> vel implementum, ut ædilitium edictum, evictio, usuræ, <sup>b</sup> vel probationem, <sup>c</sup> ut testes <sup>d</sup> & instrumenta, <sup>e</sup> itemq; ignorantia. *f*

<sup>a</sup> Jure Civili res sacræ oppignorari vel in obligationem deduci non possunt *l. 9. §. 1. de pignor.* nisi ob redemptionem captivorum *nov. 7. c. 8. Bart. de diff. iur. n. 103.* Jure Can. ob quamlibet justam necessitatem possunt *c. 1. ubi glos. in verb. necessitate. de pignor.* Jure Civili pactum legis commissoriæ in pignore non valet, etiamsi juratum sit *l. fin. C. de pact. pignor.* Jure Can. pactum ejusmodi juratum valet *arg. c. pen. de pignor.* Jure Civili fructus ex re pignorata percepti imputantur in sortem *l. 1. C. de pignor. act.* Jure Can. excipiuntur ab hac regula duo casus: 1. si clericus agrum habeat ab ecclesia *c. 1. de feud. c. conquestus. 8. de usur.* 2. quando vir pignus recipit pro dote sibi promissa *c. salubriter. 16. de usur.*

<sup>b</sup> alique accessiones jure Civili concessæ, quatenus modum à ll. præscriptum non excedunt *nov. 32. 72. &c.* Jure Can. omninò prohibita sunt, habeturque nullus improbior fur vel raptor, quam usurarius, nihilque refert quoad restitutionis legem, an per furtum vel rapinam vel usuram res ad aliquem pervenerit *c. 10. si quis usuram. 14. q. 4.* hinc usurarii non sunt ordinandi clerici *c. seditiosarios. 8. dist. 46.* & clerici de usura convicti ab ordine sunt deponendi *c. episcopus. 1. dist. 47.* item usurarii non debent sepe-

F 3

lini



liri c. quia in omnibus. 3. de usur. & qui eos ad communio-  
nem & sepulturam receperit, mortaliter peccat gloss. in c.  
quanquam. 2. eod. in 6. ut & is qui dixerit, usuram exercere  
non esse peccatum, contra quem velut hæreticum proce-  
dere jubentur pravitatis hæreticæ inquisitores clem. un. in  
fin. de usur. Iure Civili antichresis licita est l. 33. de pign. act.  
l. 11. §. 1. de pign. & hypoth. Iure Can. non est licita, quia ac-  
cedit ad usurarum conventionem c. 7. de iureiur. c. 8. de usur.  
Iure Civili possessiones, emptæ pecunia ex usuris percepta,  
justæ sunt. Iure Can. injustæ sunt, & debent vendi precia-  
que earum ijs à quibus usuræ extortæ sunt, restitui c. cum tu.  
5. de usur. Inter accessiones referuntur etiam fructus, de  
quibus Iure Civili impensæ deducuntur l. 7. pr. solut. matr.  
Iure Can. de decimis non deducuntur impensæ c. cum homi-  
nes. 7. de decim.

c plenam vel semiplenam l. 20. de question. l. 9. C. de  
testib. Fama de Iure Civili semiplenè saltem probat, imò  
est minor semiplena probatione Wes. in par. de probat. n. 4.  
Iure Can. plenè probat c. cum desideres. 15. de sent. excomm.  
ubi gloss. c. illud. 5. de cler. excomm. c. super eo. de consangu. &  
affin. Iure Civili auctore non probante reus absolvitur l. 4.  
C. de edend. Iure Can. non absolvitur, sed purgare se debet  
c. cum dilecti. 15. de purg. can. c. insinuat. 13. de Simon. Iure  
Civili dilatio probationis non sæpius quam semel datur l. 1.  
C. de dilat. Iure Can. bis, ter, nonnunquam quater. c. quoad  
consultationem. de sent. & re iudic. c. pen. de testib.

Persona d Iure Civili mulier potest esse testis in civilibus &  
que te- criminalibus excepto testamento l. 20. §. 6. qui test. fac poss.  
stes esse Iure Can. si criminaliter agatur non potest esse testis c. 17.  
possint mulierem. 33. q. 5. Iure Civili senes & valetudinarii non com-  
vel non. pelluntur perhibere testimonium l. 8. de testib. Iure Can.  
compelluntur, ut vitent peccatum c. 1. de crim. fals. Iure  
Civili



Civili parentes & liberi, itemque fratres, nec pro, nec contra se testimonium dicere possunt, etiam si velint *l. 6. C. de testib.* Iure Can. possunt *c. literas. 14. de presumpt.* Iure Civili testes de crimine damnati non audiuntur *l. 3. §. 5. de testib.* eorum autem testimonium, quibus quidem obiectum est, licet id notum & probatum sit, modo non sint condemnati, recipitur *l. 4. §. 4. de his qui not. infam.* Iure Can. nec horum, nec illorum testium dictis creditur *c. testimonium. 54. de testib.* Iure Civili unius testimonium non auditur *l. 9. §. 1. C. de testib.* Iure Can. auditur quidem, sed ea conditione, ne in alterius tendat præjudicium: sic unius testimonium valet, qui dicit infantem esse baptizatum *c. cum itaq. 112. de consecr. dist. 4.* peccatorem poenitentiam egisse *c. nemo. 14. de simon. c. omnis. 12. de poenit. & remiss.* Iure Civili testimonium de credulitate & auditu non attenditur. Iure Can. in causa matrimoniali, si forte agatur de impedimento consanguinitatis, attenditur *c. licet. 47. de test.* Bartol. de *diff. iur. n. 39.* Iure Civili testes tam in causa criminali quam civili, ad perhibendum testimonium, si noluerint cogi possunt *l. 4. de testib.* Iure Can. in criminali saltem causa cogi non possunt *c. dilectorum. 10. de testib. cogen.* Iure Civili examen testium in criminalibus, alij quam iudici committitur nequit *l. iudices. 18. auth. apud eloquentissimum. C. de fid. instrum.* Iure Can. potest, sicut in civilibus *c. si qui testium. 8. de testib.* Iure Civili non proceditur ad receptionem testium à parte accusatoris contra absentem reum lite non contestata *Id. ad l. absentem. 6. C. de accus.* Iure Canon. recipiuntur testes in criminalibus, in electione & restitutione, absente adversario & lite non contestata *c. 8. de dol. & contum.* Iure Civili non est opus ut ante publicationem dictorum testium de excipiendo reprobando ve fuerit protestatus reus, quod observatur in Camera Gail. 1, obs. 87. n. 4. & obs.

Quomodo & qualiter testes audiuntur.



*Obs. 105. n. 17.* Iure Can. opus est, ita, ut ejusmodi protectione omitta, non admittatur volens opponere exceptiones, *c. presentium. 31. de testib.* Iure Civili post publicationem testimoniorum semel factam, alij testes super iisdem articulis, tam in prima, quam secunda instantia recipiuntur *l. eos. 6. §. 1. C. de appell. & ita quoque in Camera iudicari refert Myns. cent. 1. obs. 41.* Iure Canon. non recipiuntur. *clm. 2. de testib.*

*e* publica & privata *l. instrumenta. 5. C. de probat.* Iure Civili notarii publicis instrumentis præponere debent nomen Imp. *nov. 47.* Iure Can. in terris Ecclesiæ nomen Pontificis: quod tamen potius consuetudine notariorum observari, quam certo juris Can. textu expressum esse ait Rittershus. *de diff. iur. lib. 5. c. 21. in fin.* Iure Civili reus actori non tenetur edere instrumenta quæ contra se faciunt *l. 4. C. de eden. nisi actor sit privilegiatus, ut fiscus l. 3. eod. l. 2. §. 2. de iur. fisc.* Iure Canon. usurarii tenentur suos rationum libros *l. rationes. 6. C. de probat.* contra seipsos edere *clm. un. §. ceterum. de usur.*

*f* quæ præsumitur ubi scientia non probatur *c. præsumitur. 47. de R. I. in 6. & sic est vice probationis, relevat enim ab onere probandi l. verius. 21. de probat.* Iure Civili ignorantia dividitur in leam, quæ est juris & quæ est facti *tot. tit. de ignor. iur. & fact.* Iure Can. *c. 12. turbatur. §. notandum. 1. q. 4.* dividitur in bonam, malam & indifferentem *glos. in c. quamvis. 11. dist. 38. c. 6. in quibus. 22. q. 2.* Iure Civili ignorantia facti non supina excusat, nec nocet, si ex ignorantia fuerit quis rebaptizatus. Iure Can. nocet, quia bis baptizatus, quamvis ignoranter, non potest secundum canones ordinari *c. quibus. 117. de consecrat. dist. 4.*

XIII.

Quasi contractus sunt i. nuptiæ & veræ & analo.



analogicæ. Illæ constituuntur sponsalibus, <sup>b</sup>  
habentque <sup>c</sup>dotem <sup>d</sup>& donationem propter  
nuptias <sup>e</sup>pro accessoriis, finiuntur morte vel  
divortiis, <sup>f</sup>ubi quæri solet de repetitione do-  
tis & alimentis liberorum. <sup>g</sup>Hæ appellantur  
concubinatus. <sup>h</sup>2. Tutelæ. <sup>i</sup>3. Testamenta. <sup>k</sup>

<sup>a</sup> quia sicut tutor vel curator, qui dominus est re-  
rum pupillarium *l. 7. §. 3. pro empt.* tenetur pupillo ex qua-  
si contractu, actione tutelæ; ita maritus qui est dominus  
dotis *l. 30. C. de iur. dot.* olimque erat curator uxoris *Cuiac.*  
*7. obs. 11.* ut & hodie moribus Saxonis. *Wes. in parat. de*  
*curat. furios. n. 5. contra l. 2. C. qui dar. tut. poss.* tenetur ux-  
ori ex quasi contractu actione dotis, itemque rerum amo-  
tarum *Boger. class. 2. disp. 18. n. 66.* licet in eo differant, quod  
actio tutelæ sit famosa. *§. 6. Inst. de suspect. tutor. l. 9. C. eod.*  
actio autem rerum amotarum non sit famosa *l. 2. rer. amot.*  
*Gr.*

<sup>b</sup> quæ sunt mentio & repromissio futurarum nupti-  
arum *l. 1. de sponsal.* & sic jure Civili nulla sponsalia de præ-  
senti sunt, quia talia eo jure habentur pro ipsis nuptiis *Goth.*  
*ad d. l. 1.* Jure Can. sponsalia dividuntur in ea, quæ fiunt de  
præsenti & quæ de futuro *c. pen. de sponsal.* Jure Civili frater  
sponsam fratris ducere potest, quia fratria nondum est  
*arg. §. 9. Inst. de nupt.* Jure Can. non potest. *c. ad audientiam.*  
*4. de sponsal.* Jure Civili sponsa cogitur absentem sponsum  
expectare per triennium *l. 2. C. de repud.* Jure Can. non  
tenetur, sed statim potest nubere *c. 5. de sponsal.* Jure Civili  
pars altera, alterâ in vita à sponsalibus recedere potest *l. 1.*  
*C. eod.* Jure Can. non potest, sed utriusque consensus re-  
quiritur *c. 2. eod.*

G

c nu.



*Persona  
contra  
hentes.*

*Impedi.  
mētara  
tione le  
gis &*

nuptiæ primæ & secundæ. In utrisque respicimus personas contrahentes & impedimenta, quæ ob stare possunt nuptiis, quò minus legitimæ sint. Personarum contrahentium consensus liber utroque jure requiritur *l. 7. §. 1. l. 11. de spons. l. 30. de R. I. c. 2. sufficiat. 27. q. 2. c. tuas. fin. de spons. duor.* Consensui autem nihil magis contrarium est, quam error, & jura succurrunt errantibus non stultis *l. 9. §. 5. in med. de iur. & fact. ignor.* unde qui meretricem publicam è lupanari extractam ducit, errorem prætere nequit, propterea eam retinere debet, diciturque non minimum opus inter charitatis opera exercere, quod ipsi proficit in remissionem peccatorum *c. inter opera. 20. de sponsal.* At is qui vitiatam pro virgine ducit, errore comperto eam de jure Civili retinere non tenetur *l. 11. §. 5. de act. empt.* Jure Can. tenetur, *c. quod autem, in fin. 29. q. 1. c. quemadmodum. 25. de iure iur.* Quod si in potestate parentum sint contrahentes, præter suum consensum adhibere debent consensum parentum, qui tam de jure Civili quam Can. requiritur *l. un. §. 1. in fin. C. de rapt. [virg. auth. econtra. l. fin. C. de repud. c. 1. aliter. c. 3. nostrates. 30. q. 5. c. videtur 3. qui matrim. accus. poss. Duar. ad tit. solut. matrim. cap. de nupt. q. 2. Diff. Bartol. de diff. iur. n. 58. Gail. 2. obs. 93. n. 3.* Jure Civili filia regulariter negatur licentia à patre dissentienti *l. 12. §. 1. de sponsal.* Jure Can. non negatur *c. 1. de sponsal. impub.* Confirmatur consensus, ille vel juramento conjugali *c. ex parte. 9. c. seq. de spons.* vel arrhis sponsalitiis, quarum stipulatio de jure Civili valet, *l. 5. C. de spons.* Jure Can. non valet, quia ejusmodi stipulatio continet poenam *pr. Inst. de empt. vend. & hujus generis stipulationes in nuptiis sunt prohibita c. gemma. 29. de spons.* Impedimenta nuptiis contrahendis obstantia varia reperiuntur, quorum hic quædam ob jurium discrepantiam recenscimus. Jure Civili



Civili servus cum ancilla matrimonium contrahere ne-  
 quit *l. 23. C. ad l. Iul. de adult. l. 3. C. de incest. nupt.* Jure Can.  
 potest *c. 1. de coniug. serv.* Jure Civili spadones nuptias re-  
 cte contrahunt, quia illis spes superest procreandorum li-  
 berorum *l. si servi. 39. §. fin. de iur. dot.* Jure Can. non recte  
 & non magis ac infantes *c. 2. de frigid. & malefic.* Jure Ci-  
 vili præses provincie provinciam ducere nequit, sicut  
 nec tutor pupillam *l. 63. l. 67. de rit. nupt.* Jure Can. utrique  
 possunt *c. cum locum. 14. de spons.* Jure Civili rapta raptori  
 nubere non potest *l. un. §. 1. circ. fin. C. de rapt. virg.* Jure  
 Can. non solum potest, sed etiam debet, & si ipsam raptor  
 ducere noluerit, excommunicatur, vel in monasterium  
 detruditur *c. accedens. fin. de raptor. c. 2. de adult. & stupr.*  
 Maximum autem impedimentum oritur ratione cogna-  
 tionis & proximitatis, quæ secundum computationem  
 graduum discerni solet. Jure Civili graduum potissimus  
 est usus in hæreditatibus, quæ alicui ab intestato deferun-  
 tur *l. 10. pr. de grad. unde tit. de grad. in materia successio-  
 nis ab intestato tractatur.* Jure Can. potissimus in nuptiis  
*c. 2. ad sedem. 35. q. 5.* unde arbor consanguinitatis propo-  
 nitur in materia nuptiarum *c. 6. primo gradu. 35. q. 5.* Jure  
 Civili nulli sunt gradus affinitatis, quia affines non gene-  
 rantur, sed per matrimonia fiunt *l. 4. §. gradus. 5. de grand.*  
 Jure Can. gradus distinguuntur, ut alij sint cognatorum,  
 alij affinium, de his videbimus paulò inferius. Jure Civili  
 plures sunt cognatorum gradus quam septem *§. 5. Inst. de  
 success. cognat.* quanquam ultra septimum gradum rerum  
 natura cognatorum vitam consistere non patiat *l. 4. pr.  
 de grad.* Jure Can. tantum sunt septem *c. 2. ad sedem. 5. q. 5.*  
 Jure Civili alia est graduum computatio, quam jure Can.,  
 ut videre est ex arbore Andreæ proposita in *d. c. 6. primo. 35.  
 q. 5.* cum subnexis ibi regulis & declaratione earundem.

Natura  
 seu pro-  
 ximita-  
 tis qua  
 est in co-  
 gnatis &



*Affini-  
bus.*

Iure Civili frater & soror sunt in secundo gradu lineæ col-  
lateralis: fratrum autem & sororum liberi in quarto gra-  
du, qui, sicut & omnes ultra quartum gradum lineæ col-  
lateralis conjungi possunt *l. fin. §. nam quoties. 9. de grad. §.*  
*4. Inst. de nupt. l. 67. §. 1. de rit. nupt. l. 19. C. eod. l. 2. C. de in-*  
*stit. & substit.* quanquam quod de quarto gradu dictum est  
non omni tempore verum fuerit. Dn. parens Henning.  
Wegn. in analys. *Inst. add. §. 4. Inst. de nupt. n. 5.* Iure Can.  
frater & soror sunt in primo gradu *c. 1. parentela. 35. q. 5.*  
fratrum & sororum liberi in secundo, secusque dicentes  
committunt novum & inauditum errorem *c. 2. parentela.*  
*35. q. 5.* Prohibenturque matrimonia intra septimum gra-  
dum computationis Canonice (qui gradus de jure Civili  
est *14. c. 19. nulli. 35. q. 2.* quia sex ætates totius mundi exi-  
stunt, æ totidem humanæ vitæ *c. 2. ad sedem. 35. q. 5. c. con-*  
*sanguinitas. 35. q. 4.* quanquam hodie intra quartum gra-  
dum (qui est octavus juris Civilis) nuptiæ sint concessæ *c.*  
*pen. de consang. & affin.* ob rationem ibidem annexam,  
quia quatuor sunt humores in corpore, qui constant ex 4.  
elementis. Affinium genera ut dictum, de jure Civili nul-  
la sunt. Iure Can. sunt tria. Primum est inter conjugem &  
alterius conjugis cognatos, & in hoc genere matrimonia  
prohibita sunt usque ad quartum gradum: est autem com-  
putatio illa eadem, quæ est in cognatis: ut, uxoris meæ  
frater est illi junctus in primo gradu cognationis, ergo  
mihi erit junctus in primo gradu affinitatis *c. 3. porro. 35. q.*  
*5.* secundum genus affinium est inter conjugem & alterius  
conjugis affines. Tertium est inter affines affinium *d. c. 3.*  
*porro. 35. q. 5.* & inter hæc posteriora duo genera affinium  
matrimonia sunt licita *c. pen. de consang. & affin.* ex quo ta-  
men hoc inconveniens sequitur, quod vitricus possit pri-  
vigni sui viduam ducere, quod juri Civili est prohibitum

*l. 15.*



*l. 15. de rit. nupt.* sed hic respondendum est, quod tam jure  
 Civili, quam Can. nuptiæ in linea ascendenti & descenden-  
 ti prohibita sint, virricus autem est loco parentis privi-  
 legio, ejusque uxori. §. 6. *Inst. de nupt. Panormit. in d. c. pen.*  
*n. 8. de consang. & affin.* Amplius circa affinitatem notan-  
 dum, quod jure Civili illa saltem oriarur ex iustis nuptiis  
*l. 4. §. 3. ver. s. affines. de gradib.* Iure Can. ex quavis forni-  
 catione *c. 10. de eo qui cog. consan.* Impedimentis ita remotis  
 nuptiæ de jure Civili, contrahi possunt sine verbis, modo  
 consensus intervenierit *l. 4. §. 1. de sponsal.* & in libera mu-  
 lieris consuetudine præsumuntur nuptiæ, non concubina-  
 tus, multò minus adulterium *l. 24. de rit. nupt. nov. 74 c. 5.*  
 Iure Can. requiruntur verba consensum exprimentia *c. 1. de*  
*fraternitatis. 25. de sponsal.* & nisi præter consensum inter-  
 venerint debitæ solennitates, non matrimonium, sed a-  
 adulterium præsumitur *c. 1. aliter. 30. q. 5.* Solennitates au-  
 tem illæ sunt, quod post sponsalia sponsa non statim trada-  
 tur sponso, ne vilem habeat maritus datam, quam non  
 suspiravit dilatam *c. 39. institutum. 27. q. 2.* & quod foemi-  
 nis dum maritantur, detur velum & annulus, itemque a-  
 lia habentia significationem suam expressam *in c. 7. fami-*  
*nae. 30. q. 5.* item quod sponsus & sponsa benedicendi sint à  
 sacerdote & ad benedictionem sacerdoti à parentibus vel  
 paranymphis offerendi, & quod pro reverentia illius be-  
 nedictionis eadem nocte in virginitate permanere debe-  
 ant *c. 4. qualis. c. seq. 30. q. 5.* quod à septuagesima usque ad  
 octavam paschæ & tribus hebdomadis ante festum Iohan-  
 nis Baptistæ & ab adventu domini matrimonia contrahi  
 non debeant *c. 8. non oportet. & seqq. 33. q. 4.* quod maritali  
 certo tempore debeant à concubitu abstinere, ut commu-  
 nicationis, nativitatis Christi, jejuniorum temporibus  
*c. 2. & seqq. 33. q. 4.* item tempore conceptus & ablaetari-

Nuptia-  
 rum so-  
 lennita-  
 tes.



onis pueri *c. ad eius vero. 4. dist. 5.* quod maritus uxori de-  
bitum reddens abstinere debeat à carnibus agni *c. 1. sciatis. 33. q. 4.* & post solum debitum non debet ecclesiam in-  
*Nuptie* trare nisi lotus *c. 7. vir cum propria. 33. q. 4.* Nuptiæ secundæ  
*Secunda.* quamvis iure Civili odiosæ sint *l. hac edictali. 6. C. de secund. nupt. nov. 91.* tamen pro fornicatione non habentur & nul-  
libi reperitur, quod maritus viduæ in clerum recipi non  
possit Rittershus. *de diff. iur. lib. 2. c. 1 & 2.* Iure Can. habentur  
pro fornicatione *c. 8. de his. c. 9. hac ratione. 31. q. 1.* non  
debent benedici *d. c. 8. de his. 31. q. 1.* nec potest maritus vi-  
duæ in clerum recipi. *c. quomodo. 31. q. 1. tot. tit. de bigam. non ordin.* habetque scortator, qui mortua uxore ex ancil-  
la plures suscepit liberos, plus juris hac in re quam uxora-  
tus, quia in ordines recipi & diaconus fieri potest *c. fraternitatis. 7. dist. 34. c. quia circa. 6. de bigam non ordin.* hinc ap-  
paret iure Can. matrimonium sæpè judicari rem impuram  
& vitiosam *c. proposuisti. 2. c. plurimos. 3. dist. 82.* si enim bo-  
num est mulierem non tangere, malum est ergo tangere  
*c. hospitium. 171. dist. 32.*

*d* Iure Civili matrimonium potest esse sine dote *l. 20. pr. vers. quare. C. de don. ant. nupt. l. 11. in fin. pr. C. de re- pud.* Iure Can. non potest esse *c. 6. nullum. 30. q. 5.* Iure Civi-  
li dos sine matrimonio esse nequit *l. 3. de iur. dot.* Iure Can.  
esse potest *c. 1. de adult. & stupr.* Iure Civili alienatio dotis,  
etiam juramento uxoris confirmata, nulla est. *pr. Inst. quib. alien. lic.* Iure Can. valet *c. cum contingat. 28. de iur. iur.*

*e* Iure Civili donatio inter virum & uxorem prohi-  
bita est *l. 1. 2. 3. de don. int. vir. & ux.* nec valet, etiam si ju-  
ramento fuerit confirmata. Iure Can. ejusmodi jurata do-  
natio valet, quia juramentum hoc absque dispendio salu-  
tis æternæ servari potest *d. c. 28. de iurei. Gail. 2. obs. 40. Myns. cent. 2. obs. 33. n. 5. Hartm. ab Epping. tit. 44. obs. 2. n. 3.*

*f l. 1.*



*f l. 1. de divort.* Divortij appellatio latior est jure Can. quam Civili. Nam jure Civili id tantum dicitur divortium; quod omnino solvit matrimonium. Iure Can. etiam id divortium dicitur, quod matrimonium non solvit, sed maritos tantum separat seorsim, alium ab alio, id est, quoad consuetudinem solvit, & societatem vitæ, societatem cubilis & mensæ, non jus matrimonij *Cuiac. ad c. 1. de divort.* Fit divortium ob justas causas, inter quas jure Civili mutuus consensus recensetur *l. 8. C. de repud. nov. 117. c. 10.* itemque si vir vel mulier monasterium intret *nov. 22. c. 5. auth. quod hodie. C. de repud.* Iure Can. mutuo consensu, vel ingressu monasterij, conjugium non dirimitur *c. 21. Agathosa. 27. q. 2. c. fin. cum ibi not. de trans.* Iure Civili matrimonium ob adulterium in totum solvitur, licetque parti innocenti ad secunda vota transire *nov. 117. c. 8 & 9.* Iure Can. non solvitur in totum, sed saltem quoad separationem tori, neque potest pars innocens secundas contrahere nuptias, quod si contraxerit, iterum divertere & ad adulterantem se recipere compellitur *c. ex literis. s. de divort. c. dixit dominus. 32. q. 1.* Qui autem stante matrimonio cum aliqua affinium persona incestum commiserit, non nisi requisitus conjugii innocenti debitum conjugale exsolvere debet, idque cum timore Dei *c. transmissa. pen. c. fin. de eo qui cog. conf. ux.*

*g* Iure Civili liberis ex incesto & nefario coitu natis alimenta à parentibus non debentur, *auth. licet. C. de nat. lib.* Iure Can. debentur *c. cum haberet. s. in fin. de eo qui duxit in matrim.*

*h* Iure Civili permissus, *tot. tit. de concub l. 2. C. de don. int. vir. & ux.* Iure Can. est prohibitus, nam omnis concubitus dicitur adulterium, qui non est conjugalis, *c. 4. nemo. 32. q. 4. Diff. Rittershul. de diff. iur. lib. 2. c. 19.*

*§ 2.*



Testa-  
menta

i §. 2. *Inst. de oblig. qua quasi ex contr.* Iure Civili minor 25. annis sine autoritate tutoris & curatoris litigare non potest *l. in rebus. 2. C. qui leg. pers. stand.* Iure Can. in causis beneficialibus potest *c. fin. de iudic. in 6.*

k §. 5. *Inst. de oblig. qua quasi ex cont.* Testamentorum considerata requisita necessaria, ut solennia circa testamentum adhiberi solita & hæredis institutio *l. 10. de iur. codicil. l. 1. pr. de hæred. instit. l. 3. de his qua in testam. delent.* nec non accessoria, ut legata & fideicommissa. Dn. Parens Henn. Wegn. *in analys. ad pr. Inst. de legat.* Solennitates testamentorum multis vigiliis excogitatas *l. 35. pr. C. de inoff. testam. videre licet. in §. 3 & 4. Inst. de testam.* Iure Civili requiruntur in testamento 7. testes *d. §. 3.* Iure Can. sufficiunt duo, quia in ore duorum aut trium consistit omne verum *c. 10. & seq. de testam.* Iure Civili mulier in testamento testis esse nequit *l. 20. §. 6. qui testam. fac. poss.* Iure Can. potest esse, quia ius Can. spectat ius gentium, de iure autem gentium nulla est differentia inter marem & foeminam *arg. l. maximum vitium. 4. C. de lib. præter. quod intel- lige quoad successiones & dictionem testimonij* Rittershus. *de diff. iur. lib. 4. tit. 1.* Iure Civili monachus vel Canonicus regularis nihil de suis bonis retinere, ideoque nec de ijs testari potest *auth. ingressi. C. de SS. Eccles.* Iure Can. potest loco præbendæ de suis aliquid Ecclesiæ concedere *c. fin. ne cler. vel mon. c. tua nos. 34. de simon.* Iure Civili episcopi & administratores Ecclesiæ, non possunt testari de bonis, quæ propria industria quæsierunt, sed coguntur ea relinquere Ecclesiæ *auth. licentiam. C. de episc. & cler.* Iure Can. de bonis propriis & acquisitis liberè testari possunt *c. 21. sint manifesta res. 12. q. 1. excipitur calus in c. 34. episcopus. 12. q. 2.* Iure Civili institutiones alieno arbitrio commissæ, vitiosæ sunt *l. 32. pr. l. 70. de hæred. instit.* Iure Canon. valent, nam



nam quemadmodum nutu possunt relinqui legata l. 22. C. de fideicom. ita & de aequitate Can. potest fieri testamentum *rex. in c. cum tibi 13. & ibi glos. de testam.* Jure Civili filius ob causas in *nov. 115. c. 3.* expressas exheredari potest, neque tollitur illa exheredationis causa, si monasterium ingreditur. Jure Can. tollitur *c. fin. non liceat. 19. q. 3.* Jure Civili hæres non cogitur adire hereditatem. Jure Can. potest cogi *c. nos quidem. 3. c. si hæredes. 6. & ibi glos. in verb. ab episcopo & c. tunc nobis. 17. c. Ioannes. 19. de testam.* Rosbach. de diff. iur. lib. 2. c. 3. n. 4. Jure Civili hæres conficiens inventarium, non tenetur ultra vires hereditatis l. fin. §. 4. C. de iur. delib. Jure Can. tenetur *c. in literis. 5. de raptor.* Jure Civili hæres inventarium non conficiens, tenetur ultra vires hereditatis d. l. fin. C. de iur. delib. Jure Can. non tenetur, sed saltem amittit jus detrahendi quartam *c. Rainaldus. 18. de testam.* Jure Civili filius non implens voluntatem defuncti patris salvam habet legitimam jure naturæ debitam, quæ ipsi ob alias causas, quam quæ expressæ sunt in *nov. 115. c. 3.* adimi nequit; hæc autem non exprimitur: extraneus verò indignus est habere aliquid ex ejus hereditate, cujus voluntatem aspernatus est l. fin. & auth. seq. C. de fideicom. Jure Can. tam filius quam quivis extraneus non implens mandatum testatoris, omni successionis & hereditatis spe privatur *c. 13. Sylvester. 11. q. 1. c. licet. 6. de vot. & vot. redempt.* Legatum est donatio testamento relicta l. 36 de leg. 2. Solet autem legatum relinqui verbis vel directis vel precariis, illud legatum in specie, hoc fideicommissum dicitur: in illo hæres Falcidiam, in hoc Trebellanicam habet. Jure Civili hæres ad præstanda legata in imperfecto testamento relicta, non tenetur, quia non entis nullæ sunt qualitates, jam autem paria sunt testamentum factum non esse, & non factum esse legitimè. Jure Canon.

Legata.

H

non.



non, tenetur, rationem habet Rittershus, *de diff. iur. lib. 4. c. 10.* Jure Civili res aliena legari potest *l. 10. C. de legat.* Jure Can. non potest. *c. filius. 5. de testam. c. 73. si episcopus. 12. q. 2.* Jure Civili filius detractione unius quartæ contentus esse debet, scilicet vel legitimæ vel Trebellanicæ *l. 1. C. ad Sc. Trebell. nov. 19.* Jure Can. utraque detrahere potest, quia quartam Trebellanicam etiam cuius extraneo detrahere licet *c. Raynutius. 16. c. Raynaldus. 19. de test. & cum hæc ratio in parente quoque obtineat, idem jus, quod filius ratione duarum quartarum habet, parenti quoque concedendum erit. Diff. Gail. 2. obs. 121. n. 11. & Dd. comm.* Jure Civili filius vivo patre non potest petere legitimam, etiam si parens ingressus fuerit monasterium, *auth. si quæ mulier. C. de SS. Eccles.* Jure Can. potest à patre ingrediente monasterium legitimam petere *c. cum simus. 14. & ibi gloss. in verb. bona paterna. de regular.* quia mundo est mortuus *c. 8. placuit. 16. q. 1.* Jure Civili legatarius pro legato consequendo tria habet remedia, actionem personalem ex testamento, rei vindicationem & hypothecariam actionem *l. 1. C. comm. legat. §. sed olim. 2. Inst. de legat.* Jure Can. præter has tres actiones habet etiam conditionem ex canone & implorationem officij episcopi *c. 3. 6. 17. 19. de testam.*

#### XIV.

Iudicia prætoria sunt vel universalia <sup>a</sup> vel singularia. Hæc pertinent vel ad damnum, <sup>b</sup> vel lucrum, <sup>c</sup> vel libertates <sup>d</sup> vel possessiones. Dominium est origo <sup>e</sup> possessionum, <sup>f</sup> usucapio earum effectus, <sup>g</sup> tueturque illas prætor tam ordinarie permissionem creditorum in bona debitoris, <sup>h</sup> quam extraordinariè per interdicta <sup>i</sup> & exceptiones. <sup>k</sup>

Res



**a** Res enim per universitatem mortis causa acqui-  
rimus, non tantum jure Civili, sed & prætorio, bonorum  
possessione. Dn. par. Henn. Wegn. *ad pr. Inst. de bon. poss.*  
Bonorum possessiones aliæ sunt ordinariæ, quæ partim se-  
cundum aut contra tabb. partim ab intestato dantur, aliæ  
extraordinariæ. Wel. *in parat. de bon. poss. n. 9.*

**b** Futurum avertendum & factum resarciendum.  
Ad illud pertinent tituli tres, scilicet de op. nov. nunc de  
damn. inf. de aq. pluv. arc. Ad hoc referendus tit. de pu-  
blican. Dn. Schwarzkopff *ad part. 6. D. lib. 39.* Jure Civili  
nova instituens vestigalia sine permisso principis, perpe-  
tuo multatur exilio. *l. pen. C. vectig. nov. inst. non poss.* Jure  
Can. monetur primò, ut desistat & restituat ablata, quod si  
id non fecerit communione Ecclesiastica privatur *c. inno-  
vamus. 10. de censib.*

**c** Donationes inter vivos & mortuos, quarum no-  
mine olim nulla competebat actio, ideoque prætor eas  
confirmavit & de ijs jus dixit: hodie datur condictio ex l. si  
quis argentum. 35. C. de donat. Jure Civili pater filio do-  
nare nequit *l. 11. C. eod. l. 25. C. de don. int. vir. & ux.* & non  
valet ejusmodi donatio, quamvis juramento fuerit confir-  
mata *l. 5. in fin. C. de ll. l. in adibus. 9. §. fin. de donat. iunct. §.*  
*1. Inst. per quas pers. cuig. acq.* Jure Can. valet, quia natura-  
lis obligatio inter patrem & filium hoc casu oritur *l. frater  
à fratre. 28 de cond. indeb.* quæ sententia in Camera obser-  
vatur Gail. 2. obs. 38. n. 7. Jure Civili donatio excedens 500.  
aureos non valet absque insinuatione, etiam si juramento  
fuerit confirmata *l. 34. C. de donat.* daturque condictio sine  
causa aut ex injusta causa ad repetendum id, quod legiti-  
mum modum excedit *l. ut mihi. 21. §. 1. & in fin. eod. l. 61. de  
iur. dot. nov. 162. c. 1. §. 1.* Jure Can. si jurata sit talis dona-  
tio, valet, *c. cum contingat. 28. de iure iur.* Jure Civili dona-



tionem omnium bonorum à patre factam filij usque ad legitimam revocare possunt, *tot. tit. C. de inoff. don. auth. et si parens. C. de inoff. testam.* Gail. d. obs. 38. n. 15. Diss. Anton. Fab. 3. coniect. 17. alienata autem per emtionem vel alio titulo oneroso, ne quidem quoad legitimam revocare possunt l. 2. si à par. quis man. Iure Can. possunt, c. Raynutius. 10. de testam. Iure Civili donatio ab orbo facta supervenientibus liberis in totum revocari potest l. 8. C. de revoc. don. quæ lex non tantum de patrono, sed & quovis parente intelligenda est per l. 102. de cond. & dem. l. 30. C. de fideicom. l. 6. vers. cum autem. C. de instit. & substit. Myns. cent. 5. obs. 63. & seq. Boccer. clas. 2. disp. 19. n. 48. Diss. Rittershus. de diff. iur. lib. 3. c. 21. Iure Can. si in Ecclesiam collata fuerit, revocari nequit c. fin. 17. q. 4. De donatione Constantini Magni facta ecclesiæ & Papæ extat c. Constantinus. 13. & seq. dist. 96. c. ego Ludovicus. 30. dist. 63. ubi dicitur quod valuerit, ideoque à successore revocari non potuit. clem. un. vers. ipsaq. omnia. de iure iur. ubi glos. in verb. Constantinum. Sed quæstio hæc huius non est loci.

d circa quas jus Canon. multa singularia in libertis Ecclesiæ observat c. de famulis. 3. de serv. non ordin. quæ iura Civili incognita sunt.

e Wes. in parat. de acquir. rer. dom. n. 1. Iure Civili ædificium in alieno solo exstructum, cedit solo l. redemptores. 39. de R. V. l. 7. §. cum in suo. 10. de acquir. rer. dom. Iure Can. ædificium pecuniâ & sumptibus Ecclesiæ in alieno solo exstructum non cedit solo, sed solum ad se trahit c. 13. apostolicas. ubi glos. in fin. 12. q. 2. c. 41. questi. 17. q. 4.

f Iure Civili quilibet pro defensione suæ possessionis potest pugnare l. 1. C. und. vi. Iure Canon clericus pro rerum suarum defensione ne quidem Saracenis resistere potest, c. clericum qui paganum. 5. dist. 50. Iure Civili possessori



si malæ fidei non quidem datur actio nisi contra furem  
& violentum possessorem *l. 8. §. 1. C. de præscr. 30. vel 40. an-*  
*nos. datur tamen exceptio d. l. si quis. 8.* Iure Canon. nec ac-  
tio nec exceptio datur Rittersh. *de diff. iur. lib. 3. c. 15.* Iu-  
re Civili qui se liti obtulit cum non possideret, perinde  
condemnatur, ac si possideret *l. 26. de R. V.* Iure Can. aliud  
observatur *c. ecclesia. 3. ut lit. pend.*

g Iure Civili in usucapione alicujus rei bona fides  
initio saltem requiritur *l. 10. pr. de usuc.* Iure Can. non tan-  
tum ab initio, sed etiam usque ad complementum usuca-  
pionis. *c. quoniam. 20. de præscr.* Iure Civili bona fides in  
longissimi temporis præscriptione non requiritur *l. 3 & 4.*  
*C. de præscr. 30. vel 40. ann.* Iure Can. in omni præscriptio-  
ne bona fides requiritur *c. fin. de præscript.* Iure Civili mala  
fides hæredis non impedit usucapionem à defuncto bona  
fide coeptam *l. 2. §. si defunctus. pro em.* Iure Can. impedit  
*d. c. fin. de præscr.* Iure Civili Rom. Ecclesia non gaudet  
præscriptione 100. annorum, sed 40. tantum, prout reli-  
quæ ecclesiæ *nov. 111. nov. 131. c. 6.* Iure Can. gaudet *c. 13. 14.*  
*17. de præscript. c. fin. 16. q. 4.* Iure Civili vivo prælato post  
alienationem statim incipit usucapio *d. nov. 131. c. 6.* Iure  
Can. si prælatus malè administret res Ecclesiæ non currit  
præscriptio ipso vivo, sed demum eo mortuo *c. 10. si sacer-*  
*dotes. 16. q. 4.* Iure Civili decimæ 40 annis præscribi pos-  
sunt, quia tali tempore res Ecclesiæ præscribi possunt *nov.*  
*131. c. 6.* Iure Can. non possunt, ne tanto quidem tempore,  
cujus initij memoria non exstat *c. causam. 7. de præscript. c.*  
*prohibemus. 19. de decim.*

h idque tum demum, quando vel æs alienum de-  
claratum est sive sententia, quæ transivit in rem judica-  
tam, sive confessione; vel quando debitor bonis cedere  
paratus est, vel quando moras frustratorias necit, quibus

H 3

prætor



prætor compulsus creditores autoritate sua in possessionem mittit, ubi solet quæri de privilegijs & præferentijs creditorum, de bonorum separationibus, de curatore bonis dando, de ijs quæ in fraudem creditorum alienata sunt. Utroque jure non potest procedi ad sententiam absque litis contestatione, nisi in causa appellationis *l. fin. §. 4. ubi Goth. C. de temp. appell.* excipitur quoque de jure Can. causa matrimonij & electionis *c. 8. §. porro. ut lit. non contest.* Sic utroque jure requiritur, ut sententiæ tam in criminalibus, quam in civilibus causis latæ in scripturam redigantur *tot. tit. C. de sent. ex brev. recit. c. quoniam. 11. de probat. gloss. inc. 7. in primis. in fin. c. 8. statutis. 2. q. 1.* excipiuntur causæ aliquot *in auth. nisi. C. de sent. ex brev. recit. ut* & jure Can. causa matrimonij, in qua sententia ferri potest sine scriptis, *c. Albericus. 43. de testib.* Diss. Rittershus, *de diff. iur. lib. 2. c. 22.* Iure Civili sententia lata in dominum, qui in iudicio per procuratorem legitimè constitutum litigavit, ipso jure nulla est *l. 1. C. de sent. & interl.* Iure Can. valet *c. licet. 9. de probat. gloss. inc. suscitata. 6. verb. monasterium de in integr. restit.* quod sequitur quoque iudicium Camera, *Gail. 1. obs. 111. n. 2. ubi dicit. semper sententiam ferri in dominum sive is presens sive absens sit.* Iure Civili sententia transit in rem judicatam intra decendium *l. 1. C. sent. resc. non poss.* Iure Can. lata contra matrimonium non transit *c. lator. 7. de sent. & re iudic.* Iure Civili per restitutionem suspenditur res judicata *l. un. C. in integ. restit. postul. ne quid nov. fiat.* Iure Can. non suspenditur, sed executioni mandatur, præstita cautione, ut si pars in integrum restituta justiore causam, ei omnia restituantur *c. suscitata. 6. de in integ. restit.* Iure Civili ratio expensarum solet haberi in ipsa demum sententia definitiva *l. 13. §. sive autem. 6. C. de iudic.* Iure Can. etiam ante sententi-



sententiam definitivam: ut, ille qui fundata intentione actoris obiecit exceptionem peremptoriam, quam non probat, statim damnari potest in expensas non expectata definitiva *c. finem litibus, s. de dol. & contrum.* Bartol. *de diff. iur. n. 77.* Iure Civili causa cessionis simulata non presumitur, sed est probanda *l. 22. & seq. ubi Dd. mand.* Iure Can. presumitur, si eam clericus recipit à laico *c. fin. de alien. iud. mut. caus. fact. & ibi gl. in verb. à presumptione.* Iure Civili exceptio illa in quantum quis facere potest, quæ dicitur competentia, prodest ei qui prior bonis cessit, ut non teneatur, nisi in id, in quantum facere potest, etiam si ad meliorem deinde fortunam redierit *l. is qui 4. de cess. bonor.* Iure Can. simpliciter ad solutionem urgeri potest *c. 3. de solut. ubi gl. in verb. ad pinguorem* Diff. Rittershus. *de diff. iur. lib. 5. c. 17.* Iure Civili si quis semel bonis cessit, ea recuperare potest *l. 5. de cession. bonor.* Iure Can. clericus, qui semel impetavit beneficii, v. g. episcopatus cessionem tenetur eam adimplere, nec locus est poenitentia *c. quidam. 12. de renunc.* Utroque iure actor missus in bonorum possessionem in actione reali, non statim, sed demum anno elapso possidere incipit *l. 8. §. pen. C. de prescr. 30. & 40. ann. c. contingit. 9. de dol. & contrum. c. 1. de eo. qui mitt. in poss. Cuiac. in c. fin. ut lit. non cont.* Diff. Bartol. *de diff. iur. n. 142.* Rosbach. *de diff. iur. lib. 3. tit. 8. num. 4.*

i Iure Civili quilibet vim illativam (cujus ratione interdictum unde vi dejecto datur) propulsare potest *l. 1. C. unde vi.* Iure Can. clericis id est prohibitum *c. 1. 23. q. 8. c. suscepimus. 10. de homicid.* Iure Civili interdictum unde vi datur contra deicientem, aut deicere mandantem, vel ratum habentem *l. 7. de vi & vi arm.* Iure Can. contra omnem, ad quem res pervenit *c. cum dilectus. 2. de ordin. cognit. c. 2. redintegranda. 3. q. 1. c. pen. de restit. spoliat.* Iure Civili



Civili potest quis pendente iudicio petitorio ad possessorium adipiscendæ, recuperandæ & retinendæ devenire *l. 18. §. fin. de vi & vi arm.* Iure Can. petitorium natura præcedit, non autem concurrit cum possessorio *c. pastoralis. 5. & seq. de caus. poss. & propriet.*

*k* Iure Civili ad propositionem negativam non est respondendum, quia non est probabilis *l. actor. 22. C. de probat.* Iure Can. est respondendum *c. 1. de confess. in 6.* quod etiam observatur in Camera Gail. *1. obs. 82. n. 11. Mynl. cent. 1. obs. 92.* Iure Civili non inest rescriptis principium, tacite, exceptio illa, si preces veritate nitantur, sed expressè inseri debet *l. fin. C. de divers. rescript.* Iure Can. tacite inest *c. 2. de rescript.* Iure Civili exceptiones dilatorie ante litis contestationem proponendæ sunt, nam post eam non admittuntur *l. 13. ubi Goth. C. de procur.* Iure Can. speciale est in exceptione excommunicationis, quæ in quacunque iudicii parte opponi potest *c. exceptionem. 12. de except. c. p. 1. eod. in 6.*

## XV.

Superfunt causarum civilium tituli generales pertinentes ad contractus juris Civilis & prætorii *b.*

*a* quorum considerata constitutio & dissolutio. Constituuntur & perficiuntur plerique contractus stipulatione, *arg. l. 10. C. de contrah. & com. stip.* stipulatio fit vel nostro nomine, si ipsi stipulemur, ubi plures reos stipulandi nobis adjungere possumus, aut servi stipulentur: vel alieno nomine, ut cum pro alio fide iubemus *Wel. in parat. de fideiuss. n. 1.* Dissolvuntur contractus per novationem, solutionem, acceptilationem, *tot. tit. Inst. quib. mod. toll. obl.* Iure Civili nemo alteri stipulari potest *l. 38. §. 17. de V. O.*

Iure



Jure Can. potest, *c. 12. iuramenti. 22. q. 5. Goth add. l. 38. Diff. Rittershus. de diff. iur. lib. 3. tit. 6.* Jure Civili difficultas causæ non liberat promittentem *l. 137. §. 4. de V. O.* Jure Can. liberat *c. 5. beatus. 22. q. 2.* Jure Civili poena committitur, si fors promissa ad certam & determinatam diem soluta non fuerit, etiam si debitor partem fortis solverit *l. 5. §. 4. de V. O.* Jure Can. non committitur *c. suam 9. de pæn.* Diff. Rittershus. *de diff. iur. lib. 3. tit. 15.* Jure Civili clerici pro laicis fidejubere non prohibentur, quia non reperiuntur prohibiti. Jure Can. prohibentur *c. 1. de fideiuss.* fidejussio autem clerici pro aliis clericis non improbat. *c. pen. eod. c. 2. de solut.* Jure Civili fidejussor habet beneficium excussionis. *auth. presente. C. de fideiuss.* Jure Can. non habet, quia ex æquitate in hoc jure proceditur *gloss. in c. dilecti. 6. in verb. subtiliter. in fin. de iudic.* Rosbach. *de diff. iur. lib. 2. tit. 11. n. 4.*

*b* Huc referuntur stipulationes prætoriaræ, cujus species sunt rem pupilli salvam fore, judicatum solvi, ratam rem haberi. *Wesemb. in parat. rem pupill. salv. for. n. 1.*

#### XVI.

Sequuntur criminalia judicia tam privata quam publica *a*. Privatorum alia ordinaria, ut furtum *b*, vis *c*, injuria *d*: alia extraordinaria, *e* quorum ratione dantur actiones populares *f*.

*a* Divisio hæc judiciorum criminalium procedit tantum de jure Civili. *pr. Inst. de publ. iudic. l. 1. eod.* Nam jure Canon. omnia crimina sunt publica *gloss. in c. infames. 6. q. 1. Bartol. de diff. iur. n. 12.* Jure Civili non tenetur is, qui ratum habuit delictum, si modò ejus nomine non sit gestum, aut ad ipsum aliquid pervenerit, sin autem no-

I

mine



mine ipsius gestum sit, tenetur *gl. in l. 1. §. de iecisse. 12. pe  
vi & vi arm. Sicard. in l. 9. C. de negot. gest.* Iure Can. tene-  
tur qui ratum habuit, licet nomine eius non sit gestum *gl.  
in c. cum quis. 23. verb. tuo nomine. de sent. excomm. in 6.* Iu-  
re Civili hæres ex delicto defuncti non tenetur, nisi ad e-  
um aliquid pervenerit, vel lis cum defuncto fuerit conte-  
stata *l. un. ubi Dd. C. ex delict. defunct.* delicta enim suoste-  
nere debent autores. Iure Can. hæres ex delicto defuncti  
omnino tenetur, etsi nec lis cum defuncto fuerit contesta-  
ta, nec quidquam ad eum pervenerit *c. in literis. 5. de ra-  
ptor. c. fin. de sepult.*

*b* Species ejus intit. *s. seqq. de rign. iun. si quis te-  
stam. lib. & c.* recensentur. Iure Civili non omnis illicita  
usurpatio rei alienæ est furtum, nam definitur, quod sit  
fraudulosa contrectatio rei alienæ lucri faciendi gratia §. 1.  
*ubi Interpp. Inst. de oblig. qua ex delict. nasc.* Iure Can. omnis  
illicita usurpatio rei alienæ est furtum *c. 13. pænale. 14. q. 5.*  
Iure Civili fur non est, qui nihil abstulit, quamvis ingres-  
sus fuerit domum alterius furti faciendi causa *l. 21. pr. de  
furt.* Iure Can. est fur, qui volens furari propter timorem  
humanum non furatur *c. si propterea. 29. de pœnit. dist. 1. c.  
12. tres personas. 23. q. 4.* Iure Civili etiam is est fur, qui tem-  
pore necessitatis & famis panem aufert *arg. §. 1. Inst. de furt.  
l. 65. eod.* Iure Can. non est, quia tempore necessitatis omnia  
sunt communia *c. discipulos. 26. de consecr. dist. 5. c. si quis  
propter. 3. de furt.* Iure Civili nemo potest cogi furem vel a-  
lium delinquentem indicare, quamvis eum sciat. *l. 48. §.  
qui furem. 1. eod.* Iure Can. cogi potest *c. qui cum fure 4. ubi  
gloss. in verb. non indicat. de furt.* Iure Civili pro indicina  
furis licitè aliquid accipitur *l. 15. de prescript. verb. l. 8. de  
condict. ob turp. caus.* Iure Can. non licitè. *gloss. in d. c. 4. verb  
non indicat.* Iure Civili fures non suspenduntur §. 5. *Inst. de  
furt.*



*furt. auth. sed novo. C. eod. ob pulcherrimam rationem nov. Leon. 64. & alias collectas à Dno Parente Henn. Wagn. in a-  
nalyf. Inst. add. §. 5. Inst. de furt. n. 7. Iure Can. suspendun-  
tur c. 30. quasitum. 13. q. 2. c. 10. de iudic. quod & moribus  
totius ferè Europæ observatur.*

*c* commissa etiam ab ijs, qui aliquid ex incendio,  
ruina vel naufragio abstulerunt aut rapuerunt. Iure Civili  
raptor non dicitur is, qui inventas res detinet, neque is,  
qui famæ alterius detrahit, rapi enim sine vi non potest.  
*l. 2. 3. §. 5. de incend. ruin. nauf. vis autem est majoris rei im-  
petus l. 5. quod met. caus. qualis hîc non est. Iure Can. uter-  
que dicitur raptor c. 6. si quid. c. 8. multò. 14. q. 5. c. 15. dete-  
riores. 16. q. 1. Iure Civili raptores non afficiuntur ipso iure  
pœna, sed per sententiam jubentur solvere quadruplum.  
pr. Inst. vi bon. rapt. Iure Can. raptores rerum naufragium  
passorum sunt ipso iure excommunicati c. excommunicatio-  
ni. 3. ubi glos. in verb. subiaccere. de raptor. Iure Civili incen-  
diarij exuruntur vivi l. 9. l. fin. de incend. l. 28. §. incendiarij.  
12. de pœn. Iure Can. novies tantum restituere jubentur c. 8.  
cum devotissimam. 12. q. 2. debentque esse per annum ultra  
mare s. 32. pessimam. 23 q. 8. & sic cum satisfactione præte-  
ritorum & juramento de non ultra faciendo sunt absolven-  
di d. c. pessimam, qui autem ecclesiam combussit, debet pœ-  
nitentiam agere per 15. annos c. 14. si quis ecclesiam. 17 q. 4.*

*d* Iure Civili ob injurias illatas non agitur ad pali-  
nodiam, sed jure Can. & moribus nostris Myns. cent. 2. obs.  
98. Iure Civili injuriarum damnatus fit infamis, sive ea ma-  
gna sive parva fuerit. § 10. Inst. de iniur. l. 56. pro soc. Iure  
Can. ob modicam seu parvam injuriam damnatus non fit  
infamis c. cum te. 23. de sent. & re iudic. Iure Civili pœna  
auctoris famosi libelli est capitalis l. un. C. de famos. libell. Iu-  
re Can. est flagellatio vel anathema c. 1. & fin. 5. q. 1. Iure



Civili actio injuriarum nec ad, nec contra heredes transit  
*l. 10. §. qui iniuriarum. 2. si quis caut. in iud. sist.* Iure Canon.  
transit tam ad, quam contra heredes *c. in literis. §. de raptor.*

*e* Ut sunt sepulchri violatio, concussio, abactus,  
prævaricatio, furum receptatio, balnearium furtum, ef-  
fractura, hæreditatis expilatio, stellionatus, terminorum  
motio, collegij illiciti coitio. Utroque jure sepulchrorum  
violatores sunt infames *l. 1. sepul. viol. c. infames. 6. q. 1.* Ju-  
re Civili poena termini moti est arbitraria, pro facti & per-  
sonæ qualitate *l. 2. vers. de pœna. l. fin. §. fin. de term. mot.* Ju-  
re Can. distinguitur inter committentem & consilium  
dantem. Hic per duos menses excommunicatur. *c. tanto.*  
*dist. 86. c. 10. in legibus. 12. q. 2.* ille ad tempus carceri tradi-  
tur ad poenitentiam ibi peragendam, *gloss. in d. c. tanta in*  
*verb. terminos. c. cum ab homine. 10. de iudic. c. tua. 6. de pan.*  
*Rosbach. de diff. iur. lib. 3. tit. 32. n. 30.*

*f* ruentur enim jus populi *l. 1. de popul. act.* danturq;  
cuius de populo, modo sit existimationis integræ *l. 4. eod.*  
neque extenduntur ultra annum *l. fin. eod.* quod tamen de  
civilibus & extraordinariis judiciis est intelligendum, non  
autem de publicis, quæ 20. annis durant *l. 12. C. de fals. We-*  
*semb. in parat. de pop. act. in fin.*

#### XVII.

In judiciis publicis respicimus i. accusato-  
rem *a*, qui se adversus reum inscribit *b*, illum-  
que custodiri petit, objiciens eidem aliquod  
ex criminibus publicis, qualia sunt: crimen  
læse Majestatis *d*, adulterium *e*, (quod differt  
à stupro *f*, raptu *g* & Sodomia *h*) vis *i*, homi-  
cidium *k*, veneficium *l*, parricidium *m*, cri-  
men



men falsi *n*, quod pecuniam ob iudicandum  
acceperit *o*, quod annonam flagellaverit *p*,  
quod commiserit peculatum *q*, sacrilegium  
*r*, crimen ambitus *s*, plagium *t*. Accusatorum  
autem temeritas coercetur tribus poenis *u*.  
2. Respicimus reum *x*. 3. Iudicem. *y*

*a* Nam jure Civili nemo sine accusatore conde-  
mnari debet *glos. in c. 1. verb. sine accusatore. ut Eccles. benef.*  
& regulariter quis in crimine constituitur per accusatio-  
nem, neque ordinariè proceditur per inquisitionem. *c.*  
*qualiter & quando 24. de accus. c. noluit. 13. de iudic. Panorm.*  
*in d. c. 24. n. 20.* Jure Civili quando proceditur per inquisi-  
tionem, tum par est poena inquisitionis & accusationis *l.*  
*7. C. de accus.* Jure Can. poena inquisitionis est mitior *c. in-*  
*quisitionis. 21. & ibi Panormit. n. 1. de accus.* Jure Civili  
quemadmodum accusatio, ita & inquisitio post 20. annos  
locum non habet *l. querela. 12. & ibi Dd. C. de fals.* Jure Ca-  
non. etiam ultra 20. annos locum habet. *Panorm. in c. cum*  
*haberet. s. n. 4. de eo qui dux. in matr. glos. in c. admonere.*  
*verb. poenitentia. 33. q. 2.* Jure Civili frater fratrem de ma-  
gno & capitali crimine accusare nequit *l. 13. de accus.* Jure  
Can. criminis haereticos, quod est magnum *l. 4. §. 1. C. de*  
*haeret. accusare potest. c. literas. 14. de presumpt.* Jure Civi-  
li inimicus ad accusandum admittitur, cum non sit expres-  
se prohibitus *l. 8. cum seqq. de accus.* Jure Can. non admitti-  
tur *glos. ad c. 1. verb. legitimus. per c. 10. c. 19. eod.* Jure Civili  
post mortem nemo potest accusari ob bona *l. 20. eod. l. fin.*  
*C. ad l. l. l. Maies.* Jure Can. post mortem quis accusari po-  
test, ut excommunicetur *c. si quis. s. de haeret.* De triplici  
denunciatione, Evangelica, canonica & judiciali vid. *Spe-*  
*cul. lib. 3. de denunc. n. 8. & seqq.*



*b* Tam iure Civili quam Can. mulier ijs casibus, quibus ad accusandum admittitur, non tenetur se subscribere in poenam talionis *l. de crimine. 11. ubi glos. C. qui accus. non poss. c. 1. de crimine. 15. q. 3.* Hostiens. *ad tit. de accus. ibi quis possit.* Diff. Rosbach. *de diff. iur. lib. 3. tit. 25. n. 11.* Hodie inscriptiones illæ veterum non requiruntur in iudicijs criminalibus, sed expositio criminis sufficit. *P. H. D. Caroli V. art. 11. Wel. in parat. de accus. n. 12.*

*c* in carcere, qui iure Civili nequit esse poena, quia est custodia *l. 8 §. solent. 9. de pæn. l. pen. C. de custod. reor.* Iure Can. carcer potest esse poena *c. quamvis. 3. de pæn. in 6. c. novimus. 27. §. fin. de V. S.* Quod si autem reus confugerit ad ecclesiam, tum ex illa extrahi non debet, nisi sit raptor, homicida vel adulter *nov. 17. c. 7.* Iure Can. è templis publici saltem latrones extrahi possunt, & notorij depopulatores *c. 6. sicut. 17. q. 4. c. inter alia. 6. de immun.* Raptores autem & adulteri è templis extrahi prohibentur *c. de raptoribus. 36. q. 1.* Iure Civili extrahentes confugientem ad ecclesiam & turbantes sacra ministeria puniuntur poena capitis *l. 2. l. presenti. 6. C. de his qui conf. ad eccl.* Iure Can. excommunicantur. Hostiens. *de immun. Eccl. n. 15. vers. quæ sit pæn. viol. imm. Eccles.*

*d* Divinæ vel humanæ. Divina majestas læditur ab apostatis, hæreticis & blasphematoribus. Apostatæ in iure Civili dicuntur, qui nomine Christianitatis induiti sacrificia sacrilega faciunt, vel facienda mandant *l. 4. vers. sed ne. C. de apostat.* Iure Can. non isti solum apostatæ dicuntur *c. 24. non potest. 2. q. 7.* verum etiam illi, qui postponunt tonsuram, & secularem vestem assumunt *c. 1. si in qualibet. 20. q. 2. c. præterea. c. fin. de apost.* Iure Civili apostatæ ultimo afficiuntur supplicio *l. 10. pr. C. de pagan. & sacrif.* neque ullo eis poenitentiae remedio succurritur *l. 8. in fin. C. de*



*C. de apost.* Iure Can. apostata tam fidei, quam religionis  
cogendi sunt ad redeundum. *c. 38. displicet. 23. q. 4. c. quod  
interrogasti. 6. dist. 27. c. pen. de Apost. c. de Indeis. 5. dist. 45.  
c. 33. ad fidem. 23. q. 5.* Hæretici sunt, qui cum nomen Chri-  
stianum sibi imposuerint, tamen à Christianorum fide &  
communione se separant *nov. 109.* committunt in religio-  
nem divinam *l. 4. §. 1. C. de heret.* sortiunturque ab illo ho-  
mine nomen, cuius scelus in deserendo Deum sunt imita-  
ti *l. 6. C. eod.* Nata est autem prima hæresis occasione cor-  
poris & sanguinis Christi, quæ orta est in discipulis. *c. pri-  
ma. 44. de consecr. dist. 2.* illam plures secutæ sunt, quarum  
diversitas & doctrina proponitur *in cap. 30. quidam autem.  
24. q. 3.* Coguntur hæretici indistincte redire ad Ecclesiam,  
nam medicus bene ligat phreneticum & excitat lethargi-  
cum *c. 24. ipsa pietas. c. 25. quid faciet. 23. q. 4.* Inter hæreti-  
cos numerantur anabaptistæ, sacrosanctum baptismum ite-  
rantes, quorum poena est capitalis, tam in baptizante,  
quam baptizato *l. 2. C. ne sanct. baptism. iter.* Iure Can. ab-  
negare Deum dicuntur *in c. rebaptizare. 108. c. qui bis. 117. de  
consecr. dist. 4.* estque eorum poena, quod per multam pœ-  
nitentiam debeant reformari & irregulares effici *d. c. 117.  
& seq. de consecr. dist. 4.* & hoc quoque extenditur ad eos,  
qui baptizatum in nomine Patria, Filia & Spiritu sancta  
rebaptizarunt, ritè enim baptizatus erat *c. retulerunt. 86.  
de consecr. dist. 4.* Iure Civili hæretici in sepulchris legitimis  
sepeliri debent, quia hoc humanum & pium est. *l. 9. C. de  
heret.* Iure Can. non sunt sepeliendi, quia sunt excommu-  
nicati ipso jure. *c. 2. quod autem. 4. q. 1.* quales sepeliri non  
debent, & si jam sepulti fuerint, exhumandi & ejiciendi  
sunt, *c. sacris. 12. de sepult.* Blasphematores Dei & sancto-  
rum ejus jure Civili ultimo afficiuntur supplicio *nov. 77. c.  
1. §. 2.* Iure Can. laici excommunicantur, clerici deponun-  
tur



tur c. 10. *si quis per capillum*, 22. q. 1. vel etiam blasphemus  
præforibus Ecclesiæ stare & per aliquot dies poenitentiam  
agere debet, c. 2. *de maledict.* De crimine læsæ Majestatis  
humanæ nihil reperitur in canonibus, quod contra vel  
præter jus Civile sit, ideoque legibus in utroque foro hoc  
casu standum.

e Jure Civili refertur adulterium inter crimina ma-  
xima, quia ejus poena est capitalis ex l. Julia, non qualis il-  
la l. ab initio fuit, sed prout postea interpolata est. Dn. Pa-  
rens Henn. Wegn. *in analys. Inst. ad §. 4. de publ. iud. per l.*  
*30. §. 1. C. de adult.* quæ tamen correctæ est per *auth. seq.* Ju-  
re Can. refertur inter minora c. 4. *verb. de adulterio verò &*  
*aliis criminibus, quæ sunt minora. de iudic.* neque poena ejus  
est capitalis, sed saltem separatio tori c. *tua. s. de procurat. c.*  
*gaudemus. 19. & ibi Panorm. n. 2. de convers. coniug.* Jure Ci-  
vili maritus rem habens cum soluta, non adulterium, sed  
stuprum committit l. 6. §. 1. *de adult.* Jure Can. adulterium  
c. 4. *nemo*, 32. q. 4. Jure Civili licet marito uxorem & patri  
filiam in adulterio deprehensam occidere l. 20. *de adult. l.*  
*4. C. eod.* Jure Can. non licet c. 6. *inter hac. c. 8. admonere*  
33. q. 2. Jure Civili maritus ab accusatione adulterij spatio  
quinquennij excluditur l. 11. §. 4. *de adult.* Jure Can. quo-  
ad separationem tori non excluditur d. c. 8. *admonere*, 33. q.  
2. Jure Civili mulier non potest virum accusare adulterij  
l. 1. *C. de adult. c. 10. apud §. hoc in mulieribus*, 32. q. 1. Jure  
Can. potest c. *Christiana. fin.*, 32. q. 5.

f Jure Civili committitur stuprum in vidua, virgi-  
ne & puero l. 34. §. 1. *de adult.* Jure Can. stuprum est pro-  
prie virginum illicita defloratio c. 2. *lex illa*, 36. q. 1. Jure  
Civili rem habens cum virgine, eam ducere non tenetur  
l. un. *C. de rapt. virg.* Jure Can. tenetur c. 1. *de adult.* Jure  
Can. poena stupri mitior est, quam jure Civili c. *pervenit*, 2.  
cod.



*cod. Bartol. de differ. iur. n. 12.* Jure Civili qui machati fu-  
erint cum virginibus Deo dicatis capite plectuntur *l. 5. C.*  
*de episc. & cler. c. 3. si quis non dicam. 36. q. 1.* Jure Can. cleri-  
ci deponuntur, laici excommunicantur *c. si quis episcopus.*  
*27. q. 1.*

*g* Jure Civili raptus etiam in sponsam committitur  
à sponso *l. un. C. de rapt. virg.* Jure Can. in eam tantum,  
quæ non est desponsata *c. ult. & ibi glos. de adult.* Jure Civi-  
li raptus poena est capitalis *d. l. un. C. de rapt. virg.* Jure Ca-  
non. raptor tenetur raptam ducere & dotare, quod si au-  
tem parens nolit in nuptias consentire, nihilominus eam  
dotare tenetur *c. 1. de adult. & stupr.*

*b* Jure Civili crimen Sodomix seu id quod fit con-  
tra naturam punitur gladio *l. 31. C. de adult.* Jure Can. cle-  
ricus Sodomiam committens deponitur, vel etiam detru-  
ditur in monasterium ad agendam ibi poenitentiam *c. cle-  
rici. 4. de excess. pralar.* laicus autem excommunicatur *d. c.*  
*4.* Plura de crimine Sodomix, ut quod gravius sit & pejus  
quam cum propria matre peccare &c. tractantur in *c. 21.*  
*adulterij & seqq. 32. q. 7.* Et hæc crimina omnia pudiciti-  
am propriam & alterius lædentia appellari possunt illiciti  
coitus *c. 2. lex illa. 36. q. 1.* Est verò aliud adhuc peccatum  
jure Civili incognitum, quod canones vocant pollutio-  
nem nocturnam, qua propria hominis pudicitia offendi-  
tur de qua *tex. & glos. in dist. 6. per tot.*

*i* publica & privata *l. 152. de R. I.* Præterea solet vis  
distingui in expulsivam, turbativam seu inquietativam &  
compulsivam, de quibus speciebus tractat Bocer. *clas. 4.*  
*disp. 5. & 6.*

*k* Jure Civili homicidium est quævis exanimatio  
hominis violenter facta *l. 11. §. 3. ad l. Aquil. Wes. in parat.*  
*ad l. Corn. de scar. n. 5.* Jure Can. homicidium aliud est spi-  
ritua-

K

ritua.



rituale, aliud corporale. Spirituale multis modis committitur. Hostiens. in sum. ad tit. de homicid. n. 2. c. homicidiorum. 24. & seqq. dist. 1. sic pastor qui delinquentes non arguit, ipsos occidit tacendo c. Ephesus. 4. dist. 43. qui res Episcopi vel ecclesie rapit homicida est c. 1. qui Christi. c. 6. qui abstulerit. 12. q. 2. item is qui fame morientibus non succurrit c. pascite. 21. dist. 86. c. 66. decima. in fin. 16. q. 1. qui aliquem ad pejerandum compellit & sui ipsius & alterius homicida est c. 5. ille. 22. q. 5. similiter is sui homicida est, qui sibi virilia amputat. c. si quis abscidit. 4. dist. 55. Jure Civili poena homicidij est capitalis l. 3. §. 5. de sicar. Jure Can. pro diversitate homicidij diversitas culpæ pensatur c. 19. cum homo. 23. q. 5. Homicidij corporalis poena in clerico est depositio, in laico excommunicatio c. sicut dignum. 6. de homicid. itemque poenitentia 7. annorum c. si qua. 43. dist. 50.

*l* Venefici non tantum ij dicuntur, qui venenum hominis necandi causa faciunt l. 3. pr. ad l. Corn. de sicar. sed etiam magicis artibus accincti, qui alias appellantur malefici & mathematici l. 4. de malef. & math. iunct. l. 3. pr. ad l. Corn. de sicar. l. 38. §. 5. de pæn. itemque magi ob facinorum magnitudinem c. fin. nec mirum. 26. q. 5. licet magorum nomen olim sapientes denotarit, ut patet ex Matth. 2. ubi magi obtulerunt tria munera domino, id est tres partes philosophiæ: moralem, naturalem & rationalem c. legimus. §. hinc etiam filius. dist. 37. & ibi gloss. in verb. tres partes. dicuntur præterea incantatores & divinatores itemque sortilegi c. igitur. 26. q. 4. Est autem ars magorum inventa ex traditionibus daemonum (inde dictorum, quod decima pars sint angelorum glos. in c. 66. decima, verb. ad decimam. 16. q. 1. per c. 55. de consecr. dist. 1.) & qui eam sectantur aut qui talibus credunt, perpetuæ damnationis inter-



teritum incurrunt *c. 7. qui sine. 26. q. 2.* sic quoque incantatio illicita est observare constellationes in conjugijs sociandis, in domibus ædificandis, in arboribus plantandis, *c. 3. non liceat. 26. q. 5.* Divinatores illi dicuntur qui ex conjectura mentis suæ, incerta futurorum, quasi vera pronunciant, *c. viro. 4. dist. 37. modi,* per quos divinatores futura intelligunt, habentur in *c. 1. igitur. & seqq. 26. q. 4.* Jure Civili sortilegi capite plectuntur *l. nemo. 5. C. de malef. & mathem.* Jure Can. per 5. annos poenitentiam agere debent *c. 2. qui divinationes. 26. q. 5.* Jure Civili qui consulunt maleficos & mathematicos sive Chaldaeos capite puniuntur *d. l. 5. C. de malef.* Jure Can. excommunicantur & anathematizantur *c. 1. si quis ariolos. c. 9. si quis clericus. 26. q. 5.*

*m* Jure Civili parricidæ insuntur culeo cum cane, gallo gallinaceo, vipera & simia §. 6. *Inst. de publ. iudic. l. un. C. de his qui par. vel lib. occid.* Jure Can. aut detruduntur in monasterium *c. 1. de his qui fil. occid.* aut aliter poenitere coguntur *c. 15. latorem. 33. q. 2.*

*n* Jure Civili crimen falsi capite plectitur *l. 5. C. de fals.* Jure Can. anathemate punitur *c. dura. 4. de crim. fals.* potestque episcopus falsarium Papæ incarcerare *c. in memoriam. 3. dist. 19.* Jure Civili qui pondera & mensuras lucri causa corrumpit, in insulam relegatur *l. pen. de fals. l. annonam. 6. §. fin. de extraord. crim.* Jure Can. tenetur poenitere per 30. dies in pane & aqua *c. 2. de empt. vend. c. ad falsariorum. 7. de crim. fals.*

*o* qui tenetur lege Julia repetundarum *l. 3. l. 7. de l. Jul. repet.* qua damnatus sit infamis *l. 6. §. 1. d. tit.* Accipit autem iudex pecuniam vel ut malè, vel ut benè judicet. Priori casu jure Civili tenetur parti læsæ ad litis æstimationem & refusionem expensarum, nec non in triplum ejus quod accepit *auth. novo iure. cum l. seq. C. de pæn. iud. qui*



*mal. ind.* Jure Can. per annum suspenditur, partique læsæ ad litis æstimationem tenetur *c. 1. de sent. & re indic. in 6.* Posteriori casu iudex jure Civili non tenetur ad restitutionem ejus, quod accepit, quia ubi dantis & accipientis turpitudine versatur, ibi turpiter dati nulla est repetitio *l. 3. de condict. ob turp. caus.* Atqui hic versatur tam dantis turpitudine, qui iudicem corrumpere voluit *l. 2. §. fin. eod.* quam accipientis, qui manus abstinere, nec alienum iurgium suam prædam putare debuit *l. 3. C. ad l. Iul. repet.* Jure Can. tenetur ad restitutionem *c. 66. qui recte. 11. q. 3. c. 15. non sane. 14. q. 5.* quia venales sententiæ nullæ sunt *c. fin. §. venales. 2. q. 6.*

*p* coerceturque vel poena extraordinaria *l. annonam. 6. de extraord. crim.* vel ordinaria ex publico iudicio, & coercentur homines ejusmodi poena 20. aureorum *l. 2. §. fin. de ann.* Jure Can. laici excommunicantur, clerici deponuntur *c. praterea. 7. de usur.* Rosbach, *de diff. iur. lib. 3. tit. 32. n. 26.*

*q* quod publicam rem sive pecuniam intervertit *l. un. C. de crim. pecul. l. sacrilegi. 9. §. Labeo. 2. ad l. Iul. pecul.* peculatus poena est quadruplum *l. 6. §. fin. eod.* item deportatio & bonorum publicatio *l. 3. eod.* hodie est suspendium ex Carol. V. constit. *P. H. D. art. 162.* Jure Can. si presbyteri aut aliæ personæ Ecclesiasticæ bona ecclesiastica sibi approprient, vel alienent, excommunicantur, donec restituant, quod si restituere non possint, deponuntur *c. si quis. 6. de reb. eccl. non alien. c. 35. diaconi. 12. q. 2.*

*r* Jure Can. pluribus accipitur modis sacrilegium quam jure Civili, nam sacrilegi dicuntur Christiani, qui Iudæorum cibis vescuntur *c. 14. omnes. 28. q. 1.* qui personam Ecclesiasticam lædunt *c. 12. sicut. 17. q. 4.* qui emunt & vendunt spiritualia *c. 1. audi vimus. 1. q. 3.* aliàs dicti Simoniaci,



niaci, *de quib. lit. seq.* Proprie autem de iure Can. dicitur sacrilegium, quod committitur auferendo sacrum de loco sacro, vel sacrum de non sacro, vel non sacrum de sacro *c. 21. quisquis. 17. q. 4.* Poena sacrilegij pro ratione personarum variat, minima tamen, quæ honestiore loco natus irrogatur, est deportio in insulam *l. 6. pr. ad l. lul. pecul.* Iure Can. poena sacrilegorum est, vel deportationis perpetuae exilium *c. 13. attendendum. 17. q. 4.* vel anathematizatio *c. 21. indignè. 12. q. 2.*

§ Iure Civili contra legem ambitus sacerdotium petens per Sctum centum aureis cum infamia damnatur *l. un. §. 1. de l. lul. Ambit.* Iure Can. episcopus vel presbyter, qui ambiens celebriorem sedem, suam deserit, utramque perdit *c. 31. si quis episcopus. 7. q. 1. c. 7. apostolica. 8. q. 1.* Huic crimini Simonia affinis est. Goth. *ad d. l. un. de ambit. Clar. 5. sent. §. Simonia.* Est autem Simonia dare temporalia, causa lucrandi spiritualia *c. tuanos. 34. de Simon.* & pro omni spirituali dare temporale est Simoniacum *c. 101. quicquid. pr. 1. q. 1. c. in tantum. 36. de Simon.* tamque dans quam accipiens aliquid pro re spirituali committit Simoniam *c. 6. quos constiterit. 1. q. 1.* De hac materia agitur *in caus. 1. per tot. & tit. de Simon.* ex quibus hæc inter cœtera notabilia: quod dantes vel accipientes aliquid pro sepulturis, exequiis & quocunque Sacramento *c. cum in ecclesia. 9. de Simon.* pro absolutione *c. ad aures. 24. eod.* pro canonicatu, vicaria *c. 8. si quis episcopus. 1. q. 1.* pro iure percipiendi oblationes & decimas *c. 4. quasitum. 1. q. 3.* sint Simoniaci. Et quamvis Simonia sit execrabile vitium, quia nullum magis respicit injuriam Dei *c. 117. quibusdam. 1. q. 1.* tamen heu nimis est usitatum *c. 7. reperiuntur. 1. q. 1.* Poena Simoniacorum est infamia *c. 15. si quis prabendas. 1. q. 3.* excommunicatio *c. 2. quicumq. 1. q. 1.* anathema, *c. 22. placuit. 1. q. 1.*

K 3

ignis



ignis æternus & gehenna *c. 15. si quis neg. 1. q. 1.* quia inexpiabilis est culpa venditi divini mysterij *c. 16. cito. 1. q. 1.*

z *z* cujus poena interdum capitalis est *l. fin. de plag.* quæ etiam jure Can. videtur irrogari posse per *c. 1. de furt.* sed obstat, quod poena mortis de jure Can. potestati seculari sit relicta *c. in archiepiscopatu. 4. de raptor.* Verum hic respondendum, quod ea poena sit juris divini, sicut testatur inscriptio *d. c. 1. de sumpti ex Exod. 21.* non autem juris Canonici *glos. ad d. c. 1.* His omnibus criminibus accensent canones usuram *tot. tit. de usur.* de qua dictum sup. *th. 12. lit. b.*

u *u* pro ratione temere intentatæ accusationis, qua vel calumniantur & tum eos sequitur similitudo supplicij *l. fin. C. de calumn.* aut prævaricantur, id est vera crimina abscondunt & cum reo colludunt *l. 1. §. 6. ad SCt. Turpill.* & tum tenentur ea legis poena, qua reus propter prævaricationem absolutus est *l. pen. de prævaric.* vel denique tergiversantur, id est à cepta accusatione desistunt, qui in poenam SCti Turpilliani incidunt, id est 5. libras auri exsolvunt *l. 3. §. 3. de prævaric. l. in SCtum. 15. §. 1. ad SCt. Turpill.* Et his tribus modis de jure Can. quoque falsa accusatio detegitur *c. 8. si quem pœnituerit. vers. accusatorum. 2. q. 3.*

x *x* an præsens an absens sit. Absens requirendus est *tot. tit. de requir. vel abs. dam.* neque admittitur accusatio contra absentem, nisi sit contumax *c. 76. eorum. 11. q. 3.* Si præsens sit, tum vel confitetur, vel negat objectum crimen. Priori casu ex sua confessione condemnatur *l. 5. de custod. & exhib. reor.* Posteriori, si testibus convictus sit, quoque condemnabitur, iudex enim secundum allegata & probata procedit *c. 4. indicet. 3. q. 7.* si nulli adsint testes & tamen reus multis indiciis oneratus sit, proceditur ad quæstiones seu tormenta *l. 18. §. 1. l. 20. l. fin. de quæstion. l. 3. l. 8. C.*



*l. 3. C. eod.* potestque quilibet iudex, etiam ecclesiasticus, suspectos torquere, ut veritatem facti exquirere possit *c. 4. illi qui. 5. q. 5.* Iure Civili accusatus de aliquo crimine, potest post condemnationem accusare suum accusatorem, modo ex illa sententia libertatem vel civitatem amiserit, *l. 5. de publ. iud.* Iure Can. non potest, nisi prius præcessit purgatio & nisi accuset de crimine majori *c. 6. qui crimen. 6. q. 1. c. r. neganda. 3. q. 11.*

y Audita accusatione, reoque convicto iudex sententiam poena scelere suo digna afficit, quam nonnunquam remittit. Capitalem poenam passorum bona, ut & illorum, qui facti vel poenæ subsecuturæ conscientia territi, manus violentas sibi ante latam sententiam intulerunt, publicantur. Relegatorum autem bona non publicantur. Poena remittitur vel vivis, quando sententiam passi restituuntur, vel mortuis, quando punitorum cadavera sepeliri jubentur *l. 1 & 2. de cad. punit.* Iure Civili omnes poenæ sunt vel civiles vel criminales. Iure Can. dantur etiam mixtæ, qualis est separatio tori *c. tua. 5. de procur.* Notandum hic *Pœna in-* aliquid de poenis juris Canonici. Depositio, qua afficiuntur criminosi clerici, debet esse perpetua *c. si lapsis. 1. dist. 30.* estque vel actualis vel verbalis. Actualis solemni fit degradatione instar exauctorationis militaris, cum scilicet clerico, in præsentia magistratus civilis, ob delictum vestes & insignia ordinis sui detrahuntur, per episcopum, retrogrado ordine, irrogaturque tantum ex tribus causis: ob hæresin *c. ad abolendam. 9. de hæret.* ob crimen falsi litterarum Apostolicarum *c. ad falsariorum. 7. de crim. fals.* & ob delictum in episcopum commissum *cap. 18. si quis sacerdotum. 11. q. 1.* Taliter degradatus potestate seculari puniendus traditur *c. novimus. 27. de Verb. Sign. cap. 2. de pœn. in 6.* Verbalis fit per solam sententiam episcopi, adistente certonum



Differē  
tia iuris  
circa pæ  
nas.

to numero episcoporum, si clericus, qui deponitur in sa-  
cris sit constitutus; in minoribus enim nulla aliorum epi-  
scoporum præsentia opus est, sed sufficit sententia episco-  
pi, habetque locum in adulterio, furto, homicidio &c. c.  
10. de iud. Canis. in sum. iur. Can. lib. 3. tit. 22. Excommu-  
nicatio alia est major, alia minor: Major separat à frater-  
na societate & consuetudine: Minor à sacramentorum  
perceptione tantum, non à consortio fratrum. Ubiq; autem  
excommunicationis mentio fit, non minor, sed  
semper major intelligenda est c. pen. de sent. excomm. Ana-  
thematis mus abscindit & avellit ab ipso corpore Christi.  
Cujac. ad d. c. cum non ab homine, 10. de iudic. De cæteris pæ-  
nis Ecclesiasticis, ut prohibitione ab ingressu Ecclesiæ,  
suspensione, interdicto ecclesiastico, itemque absolutio-  
ne ab ijsdem, latè & pulchrè tractat Gregor. Tholos. part.  
iur. Can. lib. 4. tit. 15. c. 4. & seqq. tit. 16. c. 8. & seqq. tit. 17.  
per tot. Iure Civili nemo ob delictum potest signari in  
fronte, ne facies, quæ ad similitudinem pulchritudinis cœ-  
lestis figurata est, maculetur, l. 17. C. de pæn. Iure Can. po-  
test, ut scilicet ejusmodi nebulones inter alios cognoscan-  
tur c. ad audientiam, 3. de crim. fals. Iure Civili bona damna-  
torum traduntur hæredibus, auth. bona. C. de bon. damn. Iu-  
re Canon. acquiruntur Ecclesiæ c. 22. si quis deinceps. 17. q.  
4. Iure Civili bona hæreticorum filiis orthodoxis non au-  
feruntur l. 19. cum auth. seq. C. de hæret. Iure Can. auferun-  
tur c. vergentis. 10. de hæretic. Iure Civili cadavera punito-  
rum non nisi permisso summi principis sepeliuntur l. 1.  
cum seqq. de cadav. punit. Iure Can. etiam absque permisso  
principis licite sepeliuntur, & si pænitentiam egerint, pro  
ijs oblationes offeruntur c. 30. questum, 13. q. 2. quod si au-  
tem in ipso facinore occisi fuerint, vel impœnitentes vi-  
tam finiverint, tum illis sepultura in cœmeteriis negatur  
c. 16.



c. 16. quibus. 13. q. 2. plusque obest ijs sepeliri in sacris locis,  
quam prodest. c. 17. cum gravia. 13. q. 2.

XIIX.

Actum hactenus de causis privatis confi-  
deratis in prima instantia, paucis jam de ijs  
tractemus in instantia secunda<sup>a</sup>. Et ita abso-  
lutis causis privatis perveniamus tandem ad  
publicas, pertinentes, ad jus fisci<sup>b</sup>, rem mi-  
litarem<sup>c</sup>, magistratus<sup>d</sup> & res civitatum<sup>e</sup>.

<sup>a</sup> seu appellatione, quæ est remedium, quo causa  
vitiata sublevatur c. 1. liceat. 2. q. 6. Appellatio enim per-  
missa est non modo in causa civili, sed etiam criminali l.  
6. l. 16. de appell. l. 6. §. 3. l. 12. l. 19. C. eod. quanquam in Ca-  
mera Imperiali appellatio in criminalibus non admitta-  
tur Gail. 1. obs. 1. n. 28. Mynf. cent. 4. obs. 41. & 42. Et hæc vi-  
detur ratio, quare materia appellationum post judicia ci-  
vilia & criminalia tractetur. Cæterum in appellationibus  
propter differentias juris considerandæ sunt 1. causæ, de  
quibus appelletur, 2. personæ, à quibus & ad quas appelle-  
tur, & denique poena temere appellantium. Causæ sunt *De quib-*  
vel judiciales vel extrajudiciales. Jure Civili de causis ex- *bus cau-*  
tra judicialibus nulla datur appellatio l. pen. C. quor. appell. *sis appel-*  
non recip. Iure Can. datur c. cum sit Romana s. de appell. c. 1. *letur*  
pr. eod. in 6. c. 2. de dol. & contum. in 6. In judicialibus cau-  
sis fertur sententia vel interlocutoria vel definitiva. Iure  
Civili regulariter ab interlocutoria appellare non licet  
l. 7. C. de sent. & interloc. Iure Can. licet, imò à quovis gra-  
vamine iam præsentis quam futuro, cujus aliqua est suspi-  
cio, appellatio conceditur c. super eo. 12. de appell. c. cum di-  
betis. 6. de dol. & contum. c. 18. non ita. 2. q. 6. Iure Civili  
L  
quan-



quando ab interlocutoria appellatio admittitur, tum re-  
 quiritur causa legitima & expressa, potestque unâ allegatâ  
 causâ allegari quoque alia *l. 3. §. 3. de appell. Marant. de or-  
 din. indic. tit. de appell. n. 125. & seq.* Iure Can. requiritur  
 tantum causa probabilis, etiam si in iure non sit expressa *c.  
 ut debitus. 59. de appellat. ubi Panorm. n. 2.* nec potest appel-  
 lans aliam causam prosequi, quam quæ in appellatione est  
 expressa *clm. appellanti. 5. eod.* Iure Civili quoties licita est  
 appellatio ab interlocutoria, toties viva voce potest ap-  
 pellari, neque necessariô requiritur scriptura *l. 2. ubi glaf.  
 de appell. recip. vel non.* Iure Can. scriptura necessariô re-  
 quiritur, quæ causa appellationis exprimatur *c. 1. c. 9. de  
 appell. in 6.* Iure Civili quando ab interlocutoria appella-  
 tum est, tum ea revocari nequit *l. 14. d. re iudic.* Iure Can.  
 interlocutoria etiam post interpositam appellationem  
 potest revocari *c. 60. de appell.* Iure Civili in causa momen-  
 tanæ possessionis appellare non licet *l. un. C. si de mom. poss.  
 fuer. appell.* Iure Can. licet *c. 10. c. 15. de restit. spoliat.* Per-  
 sona à qua appellatur est iudex, cuius sententia tacitè argu-  
 itur iniquitatis. Iure Civili iudex à quo appellatur, nihil  
 potest statuere in præjudicium cognitionis futuræ in judi-  
 cio appellationis, *tot. tit. nihil innov. app. pend.* Iure Can.  
 potest terminum præfigere prosequendæ appellationis *c. 5.  
 c. 26. de appell.* Iure Civili iudex à quo appellatum est, in a-  
 lijs causis ut suspectus declinari nequit *l. un. apud eum à quo  
 appell.* Iure Can. quandiu appellatio pendet, potest *c. 6. c.  
 24. de appell.* excipitur casus in *c. 22. & d. c. 24. eod.* Personæ  
 ad quas appellamus sunt iudices superiores. Iure Civili ap-  
 pellatio debet fieri gradatim *l. 21. de appell.* Iure Can. sta-  
 tim potest appellari ad pontificem *c. 4. si quis & seqq. c. 16.  
 quoties. 2. q. 6.* Iure Civili indistinctè appellatur à subdele-  
 gato ad delegantem *l. un. C. qui pro sua iurisd.* Iure Can. si  
 tota

Persona  
 à quibus  
 appelle-  
 tur.

Persona  
 ad quas  
 appella-  
 tur.



tota iurisdicção fuerit subdelegata, appellandum est ad ordinarium superiorem, sin autem pars iurisdictionis fuerit subdelegata, appellatur ad subdelegantem *c. 4. de for. comp. c. 27. §. porro. de off. indic. deleg.* Jure Civili non potest causa appellationis ita delegari, ut delegans sibi reservet sententiæ dicendæ jus, *auth. ad hac. C. de indic.* Jure Can. fieri potest, ut ordinarius sibi sententiam reservet *d. c. 27. §. intentionis. de offic. deleg.* Jure Civili à sententia episcopi, potest appellari ad iudicem secularem *nov. 123. c. 21.* Jure Canon. non ad secularem, sed ad metropolitanum vel Papam *c. duo. 9. de offic. ordin.* Jure Civili à sententia episcopi semel tantum appellare licet *auth. si quis. C. de episc. aud.* Jure Can. bis, sed non ter, *clem. 1. de sen. & re indic.* Poena temere appellantis de jure Civili est multa 50. librarum auri *l. 5. prop. fin. C. quor. appell. non recip.* Jure Can. temerè appellans in expensas condemnatur *c. 26. §. si autem in quocunque. de appell.*

h Jure Civili qui rem alienam quaecunque à fisco emit, securus est *l. bene à Zenone. 3. C. de quadr. præscr. §. ult. Inst. de usuc.* Jure Can. qui emit rem Ecclesiæ à fisco securus non est, sed eam ecclesiæ restituere tenetur *c. 2. de reb. Eccles. non alien.*

e quo pertinent seqq. tit. *de capt. de re mil. de cast. pec. de veter.* Jure Civili postliminio reversis datur actio rescissoria intra annum *§. rursus. s. Inst. de action.* Jure Canon. non datur, quia non currit per id tempus præscriptio *c. 13. prima. 16. q. 4.* Jure Civili poena militiam deferentis est capitalis *l. omne. 6. §. qui in acie. 3. de re mil.* Jure Can. est infamia *c. 17. infames. 6. q. 1.* Jure Civili unum est genus militiæ armatæ, ut constat ex tot. tit. *de re mil. tot. tit. C. qui mil. poss.* Jure Can. militia alia est spiritualis, alia secularis *c. si officia. 2. dist. 50. c. 19. reprehensibile. 23. q. 8.* In militia



seculari reprehenditur libido dominandi, crudelitas ulciscendi & cupiditas nocendi *c. 4. quid culpatur in bello. 23. q. 1.* summa autem laus est communi utilitati intendere *c. 7. summa. 23. q. 1.* & hac intentione militia debet exerceri, ut mali coerceantur & boni subleventur *c. 6. apud veros & c. seq. 23. q. 1.*

*d* municipales, inter quos viri præcipui sunt decuriones in album scripti, qui à muneribus non sunt exempti, nisi habeant vacationem à muneribus vel ob ius immunitatis à principe concessum, vel ob legationes. Iure Civili spurij decuriones fieri possunt *l. 3. §. 2. l. 6. pr. de decur.* Iure Can. ad nullas dignitates & sic nec ad decurionatum promoveri possunt. Bartol. *de diff. iur. n. 65.* Iure Civili munus accipitur tribus modis, pro dono, pro officio, pro onere *l. munus. 18. de V. S.* Hoc loco accipitur pro onere *l. munus. 214. eod.* quando pro dono accipitur, tum aliud confertur inter vivos, aliud mortis causa, de quo supra dictum, *th. 14. lit. C.* Iure Canon. quando munus accipitur pro dono, tum aliud est de obsequiis, quod est servitus indebitè impenſa, aliud est à manu, quod est pecunia, aliud est à lingua, quod est favor *c. 114. sunt nonnulli. 1. q. 1.* tria autem illa, quæ in acceptione muneris sunt attendenda, proponuntur *inc. et si quæstiones. 18. de simon.* Iure Civili legati sunt honorandi, quia sancti & inviolabiles sunt, & qui legatum hostium offendit, ille traditur hostibus *l. fin. de legation.* Iure Can. quoque legati sunt honorandi loco illius, cuius legatione funguntur *c. fin. dist. 93.* unde episcopi & sacerdotes sunt honorandi loco Christi, quia legatione Christi funguntur *c. 36. omnis. 7. q. 1.* qui autem eos violaverit, excommunicatur *c. si quis. 2. dist. 94.* Legatorum pontificis tres sunt species *c. 1. de offic. legat. in 6.* alij dicuntur legati de latere, alij legati missi, alij legati nati.  
Legari



Legati de latere sunt Cardinales, habentes præter ceteros legatos hanc prærogativam, quod aliorum legatorum Pontificis officium, in ea provincia ad quam missi sunt, tamdiu suspendatur, donec Cardinalis legatus provincia egrediatur *c. volentes. 8. de offic. legat.* quia minor officium suum præsentem majorem exercere non potest *c. deniq. 6. dist. 21. facit. tex. in c. antiqua 23. vers. dominica. de privil. & excess.* quod possint absolvere excommunicatos propter violentiam manuum in clericos injectionem *c. 9. de offic. legat.* quod possint ecclesiastica beneficia vacantia conferre *c. 6. dilectus. eod.* & in summa legati de latere omnia possunt, præter excepta & reservata soli summo pontifici, quæ non comprehenduntur generali mandato *c. quod translationem 4. de offic. leg. c. nuper. 29. de sent. excom. glos. in c. 9. qua de causa. 2. q. 3.* Legati missi, extra ordinem Cardinalium constituuntur, mittunturque à summo Pontifice in provincias cum mandatis & potestate *d. c. 1. de offic. leg. in 6. c. si abbatem. 30. de elect. in 6.* & ejusmodi legati etiam subdiaconi esse possunt *c. 1. dist. 94.* Legati nati sunt, qui quasi unâ cum dignitate nati, legationis munus singulari Pontificis privilegio suæ dignitati annexum habent, ut est in Germania archiepiscopus Salisburgensis, in Anglia archiepiscopus Cantuariensis *c. 1. de offic. leg. Canis. sum. iur. Canon. lib. 1. tit. 17. Gregor. Tholos. partit. iur. Can. lib. 5. tit. 3. c. 1. & seqq.*

*e* administrandas à decurionum ordine, qui pro usu reip. decreta facere solet, curamque habet operum publicorum, nundinarum, pollicitationum seu votorum reip. factorum, de quibus omnibus prætor extra ordinem iudicat, ut & de proxeneticeis: censibus autem exigendis non prætor, sed censor magistratus præstet *l. 4. §. 1. de censib.*



*fib.* Atque ita singulatim pertractatis omnibus judiciis  
tam ordinariis quam extraordinariis, ultimò proponun-  
tur communia utrorumque judiciorum privatorum scili-  
cet & publicorum, quæ traduntur *in tit. de Verb. Sign. &*  
*R. 7.* Iure Civili in pollicitationibus & promissionibus non  
plus subintelligitur quam exprimitur, non expressa enim  
non intelliguntur, *arg. l. 52. de condit. & demon. l. 5. de pol-*  
*lic.* Iure Can. plus intelligitur quam exprimitur *c. 5. beatus*  
*Paulus. 22. q. 2. c. 104. antecessor. 11. q. 8.* Iure Civili qui ali-  
quid promisit sine causa, etiam si licitum sit, non obliga-  
tur *l. 1. §. 1. de pollicit.* Iure Can. votum Deo factum lici-  
tum, etiam sine causa, semper est implendum, & ideo ob-  
ligat *c. 4. quod Deo. 33. q. 5.* Proxenetæ jure Civili illi dicun-  
tur, qui contrahentibus in conciliandis conventionibus  
linguas interpretantur *l. 3. de proxen.* Iure Can. ejusmodi  
interpretes appellantur interemptores & mediatores. *c.*  
*pen. dist. 91. c. mediatores. 1. de testib. in 6.* Panormit. *inc. ex*  
*literis. 6. n. 3. de transact.* ubi agit de proxeneta, an possit  
esse testis. Materiam censuum & tributorum, ut & ver-  
borum significationes & regulas juris, Doctores latè tra-  
ctarunt, quorum commentarios compilare no-  
stri non est instituti.

DEO SOLI GLORIA.

22(0)26

26

AD





AD DN. RESPONDENTEM.

WEGNERE, nobilissimi,  
Mihique conjunctissimi,  
Fili Parentis optime:  
Toto Tibi congratulor  
Ex corde, quòd vestigiis  
Patris tui fideliter  
Insistis, atque nobilem  
Reapse te doctis probas.  
Probat hocce disputatio  
Feudalis ista nobilis,  
Duplexque, in almâ Juliâ,  
A te exarata, & publicè,  
Alacritate debitâ,  
Ante annum spacium probè  
Defensa, calculo omnium.  
Idemque disputatio  
Iterata nunc, quàm publicè  
Manutenendam suscipis  
Styloque docto concipis,

De



De juris haud vulgaribus  
Utriusque differentiis,  
Satis atque abunde comprobat.  
Sic perge nobilissimis,  
Scriptisque multis publicis  
Factisque Te dignissimis  
Porro probare nobilem.

De properab.

Johannes Camman I. U. D. & Rei.  
publ: patriæ Brunsvicensis  
Syndicus.



**P**ervigili studio sinuosa volumina juris  
Evolvissse, labor creditur eximius.  
Ast major longè est, tam vasta volumina men-  
tis

Intimiorè sinu continuisse, labor.  
Jura tamen paucis complecti hæc omnia ver-  
bis,


Maximus hic merito creditur esse labor.  
Te, quoniam præstas, WEGNERE, hæc omnia,  
tantis

Pro meritis meritò, præmia magna manēt.

IOACHIMUS WEGNER D. Prof. Publ.

F I N I S.












AB:152995

ULB Halle

3


003 358 925



R

VD 17










Q. D. B. V.  
DE  
**DIFFERENTIIS  
IVRIS CIVILIS ET  
CANONICI**

*D I S S E R T A T I O*

Habita olim in ACADEMIA JULIA,  
Nunc in usum Studiosæ LL. Juventutis  
denuo edita

CURA

**HENRICI HAHNII IC<sup>TI</sup>**  
ET PRIMARI IN ILLUSTRIS JU-  
LIA ANTECESSORIS.



HELMESTADII,  
Typis & Sumptibus JOHANNIS HEITMÜLLERI  
Anno clc l<sup>c</sup> c LXI,

34

33 F